

止

廬

稿

丙子秋月

MG  
I 216.2  
13

清機徐引


陡起不測

讀史記魏公子列傳書後 乙巳二月

貫之

世稱遷史多寓言。其是非往往見於言辭之外。然遷作四君列傳。於信陵獨稱公子而不名。其叙信陵始終爲魏。與信陵之藉重於時。尤詳且盡。遷蓋謂信陵一身。非獨魏國存亡所繫。抑亦六國存亡所繫。故詳著之。以見信陵之賢。固非若孟嘗春申之徒。博好士虛名。植黨以自固者。所可比也。後之論者。不能窺史公作傳之意。而深維當時之勢。率以竊符一事。蔽罪信陵。荆川唐氏以爲趙亡則魏及。此舉未可罪信陵。其說亦既允矣。後又爲誅心之論。責以無王。謂信陵救趙。直以魏狗姻戚。其言至深刻。予嘗讀之。而知其說之未有當也。孟子曰。有安社稷臣者。以安社稷爲容悅者也。又曰。貴戚之卿。社稷爲重君爲輕。常秦之攻趙。且暮且下。魏迫於趙。勢已岌岌矣。魏王識不及此。坐視而不肯救。信陵以貴戚之卿。念社稷爲重之義。其救趙也。乃不得已而爲權宜之計。故一出而却秦存趙。魏賴以安。信陵卽有竊符之罪。亦不掩其却秦之功矣。昔責前人以伸己說。豈春秋善善從長之意哉。昔安釐王嘗欲約秦共攻韓。信陵爲陳近秦之害。反覆至數千百言。夫韓豈信陵姻戚哉。而信陵苦諫若此者。爲魏故也。且秦之不敢加兵於魏。與諸侯之莫不重魏者。徒以有信陵也。語曰。山有猛獸。藜藿不採。國有賢士。強鄰滋懼。信陵用則魏重。信陵去則魏輕。使無信陵。魏滅於秦久矣。豈待數

止 廬 稿



137824

冷雋可喜

補論者句  
筆有神致

十年之後哉。唐氏又謂信陵侯生不能以死諫王。其說尤誤。夫安釐弱主也。以信陵之賢且親。乃以知外國情勢。至畏惡而不予以權。則其忌信陵也久矣。信陵卽以死諫。王必不聽。況夷門賤吏耶。夫死一也。死於秦師。死於送行之後。與死於王前。其又奚擇。公子之明。侯生之智。夫獨不見及此耶。史公謂公子遣辯士說王萬端。王終不聽。其非以是歟。夫信陵固始終爲魏者也。其下士也。非植黨也。欲爲魏得人也。其不見信而佚飲以沒也。蓋知魏之亡。而不欲親見也。史公於信陵用於魏。著諸侯不敢加兵。於信陵去魏。著秦日夜伐魏。於信陵死。著秦於是歲拔二十城。越十八年而魏亡。蓋深悲信陵之不遇。而魏之因以亡也。自世道日衰。上下睽隔。人主專威權以繩束其下。務操切不少假借。一旦有大利害。庸臣俯仰其間。以苟幸無事爲得計。其有專命不辭。出其爲社稷不顧一身之計。以任天下之利害。如信陵其人者。譏間所加。危及其身。以抑以去。以死。而一二口舌之儒。復操短長以議其後。相習成風。遂至徧天下無一任事之人。歷代季世。國家所以衰滅。而不可復振者。蓋往往由是也。讀信陵列傳。蓋不獨爲信陵惜矣。

文氣暢旺。文筆馴雅。此才不易得也。南宮劉繼唐先生

淮陰侯 己酉三月

此義甚允  
可謂持之  
有故言之  
成理矣

此義亦允  
當

無中生有  
文心穎異

世論淮陰多異說。或謂信不忘漂母一飯之義。必不負漢王。船山王氏謂信得時必叛。其不叛需時耳。予以爲二說皆未盡也。信之叛高帝。激之實良平成之也。當信之請立假王也。漢王大怒。聞良平躡足附耳之語。乃假悅以許之。高帝殺信之機。蓋啟於此矣。向若良平皆以齊應立王之義。以信之功。王齊庸詎爲過外。以安功臣之心。內以息雄主之忌。未失之禍。安得而有哉。不知出此而爲詭詐之計以逢君。卒使信益驕而帝益忌。遷延浸漬。遂成於殺。至雲夢之遊。卒出陳平之計。故曰信之叛高帝。激之良平成之也。然則信不叛乎。曰由前言之。信固不叛。由後言之。則信必叛。何則。信以匹夫出死力爲高帝定天下。破魏。狗趙。下燕。定齊。摧楚。功爲漢最。功成而王。其願亦既遂矣。高帝果推腹心以待信。而處之以至公。則信何必叛。乃於信之軍定陶也。出不意而直奪之。雲夢之遊。則羈之京師。顛倒挫折。如侮孺子。幾使信無地以自容。此蒯通之說所由入也。當此之時。信之心已叛漢矣。揆厥所由。豈非高帝激之哉。然則信無罪乎。曰高帝雄猜之資。以詐術馭羣下。信所知也。處震世之功。不知謙退。卒被嫌怨。身與禍會。此史公所爲致惜也。昔者予讀蕭曹世家。何與參相友善。自爲漢官後。遂不合。其後參聞何死。卽趣吏治行。以爲參與何既不合。彼安知其薦已。蓋二人者。功甚高。

大臣相交。懼招雄主之忌。故爲此耳。蓋猶是請益土田之計也。漢誅功臣。蕭曹獨全。非以是歟。惜乎淮陰之不知此也。嗟夫。懷奇負異之士。既不甘埋沒以終老。則不得不藉陰險猜忌之主。以就其功名。而其終又必無自全之術。吾讀烏盡弓藏之語。蓋不禁爲上下古今之功臣悲矣。

執果窮因動中肯綮 劉際唐先生

拿破命 民國二年五月

拿破氏乘法國革命之變。起將校爲總統。不數年而躋帝位。論者莫不以厲行專制。破壞共和罪之。予以爲此。督於情勢之言。非通論也。夫法自路易十四世以來。君虐於上。臣暴於下。生民之禍烈矣。義軍猝起。而大功遽就。數百年專制之毒。一旦而除絕之。何其速也。向使爲法民者。念成功之易墮。并羣力以維之。卽有負雄略懷野心者。亦何能拂衆情。犯不韙。而爲非分之覬覦也。法之民何如乎。競權利。修報復。假共和之名。恣無等之欲。塗起朋興。終以激爲恐怖時代之慘禍。此拿破氏所由乘之而起也。且夫禍亂之作。必有自來。釀而成者。匪伊旦夕。追溯本原。未可爲一二人之罪也。拿破氏以武人暴起。柄政一切。務爲專擅之計。其功業既足以震鑠一世。而復市私惠以結人心。一時慕榮利希攀附者。競起而謀擁戴。彼拿破氏者功名

犁然當乎  
人心

念重。而識不足以及遠。又何所顧惜畏忌而不爲之。於是公器爲私有矣。推原禍始。豈非法之民有以成之哉。竊嘗論之。政治視民智爲進退者也。法自盧孟諸儒。倡爲民權之說。風聲所樹。一變而帝政遽革。韋氏父子起而踏之。再變而民治以成。蓋善制非可一蹴幾。治化演進。其爲象往往如是也。彼斤斤以破壞。民治蔽罪於韋氏一人。豈通論哉。豈通論哉。

議極平允。稱心易足。劉際唐先生

拿坡崙父子顛覆共和。迭躋帝位。經數十年變亂。國民力征經營。始有今日。甚矣政治革新之難也。天下事成之易。則守之難。衆以爲易。則視之也輕。而保護愛惜也不至。此禍患所由興也。吾國壬癸之交。義軍猝起。僅數旬而大功就。逮於甲寅。國會漸自紛擾。余時抱病家居。著爲此論。是冬有國會解散之舉。不逾年而帝制問題發生矣。夫政之良否。視民智以爲衡。如升階然。以漸進者也。其進太驟。則政變相循而生。此亦過渡時代恒有之現象。誠使執政者維持於其上。建言者匡救於其下。卽有變端。不至甚劇烈也。今幸共和復建。前鑒不遠。當軸者其慎圖之哉。

丙辰嘉平月效曾自記

## 亡友張君惠臣病狀記 己酉三月

惠臣體風羸。然不善病。歲丁未肄業保定陸軍學校。未逾年致疾卒。先是惠臣來時。家人慮其體弱。不任勞苦。惠臣曰。國事湊迫。願習武事以勵時艱。且可以強吾體力也。遂入校。其爲學務在實用。有疑輒相質。通而後已。惠臣暇必過予。聚嘗終日。又時以其文來相就正。意甚殷殷。程課雖繁。罔有輟息。其勤學類如此。三月一日。予造惠臣所。談時許。即別去。惠臣歎甚。罔無疾也。四日午。同鄉劉君繹新。飛函招予。謂惠臣且疾。思君甚。予卽往視。惠臣病熱。疹發徧肢體。按其脈數以洪。醫曰易治。惠臣時起坐。且告予以家事。言時或涕下。問疾可愈否。予笑慰之曰。是疾也。嘗有之。數日當愈。且謂惠臣何怯也。會日暮。惠臣意戀戀不欲予遽去。然且曰。校中規程嚴。兄歸勿念也。越日往視。而臣病大變。面削舌卷。脈沉而疹退。已易西醫治。飲以寒劑。熱內蘊益烈。蓋惠臣之疾劇矣。然猶以爲可愈也。翌日往視。惠臣益增劇。聲嘶舌縮。見人至不能識。呼之數始一張目。作點首狀。問所苦不能言。猶奮力引余手捫其胸。隱約呼一熱字。旋卽涕下。予詢之醫。醫曰。症現絕狀。迨不能至暮。逾一時而惠果卒。時三月七日也。方醫之告余也。心未然其說。以惠臣疾卽不可爲。不當若是速也。熟意其言驗也。詎訣之際。僅一役在側。魄旣冷而目不暝。日暮其兄始至。卒未得一見。可哀也已。猶憶數日前。惠

臣暨繹新造予。予携二人遊於園中。時桃花盛開。惠臣衣軍服。拱手立樹下。意態怡然。與予商歸娶事。今才數日耳。而惠臣死矣。撫念昔遊。令人傷悼。不自禁。惠臣少予六歲。與予同兩師。性恭謹。與人處。終日無諠語。而謙遜和厚。望而知爲君子。少喪母。事繼母以孝聞。母愛之逾已出。蓋惠臣之行。有以感之也。已乎。惠臣年方二十。其可稱道已若此。而竟以天沒。天道蓋不可知矣。

祭殷君祖盤文代 民國二年

維○年○月○日○等。謹以清酌時羞之奠。敬祭於先生之靈。曰。嗚呼先生。九德兼資。逢辰之缺。不竟其施。先生務學。不以境移。先生持行。勇於敢爲。吾鄉建學。實清季年。先生爲侶。用成而先。或厄而止。不懈益堅。○等方童。先生命學。啟之迪之。曲賜湔濯。智無高下。由聞而覺。主講各校。人幸得師。憫教之壞。力正其趨。有商而黠。覬利爲擾。人則不競。先生不撓。理爭弗直。挺起投訴。從古以然。持正者忤。拘留罹疾。操之益固。方冀申理。遽聞凶訃。嗚呼痛哉。先生氣義已足自霑。直死何悲。在世爲疚。臨風隕涕。痛徹心肝。斯人不作。後學何親。孰拯孤弱。孰開昏頑。嗚呼痛哉。先生遠矣。同心共悲。我哭先生。匪哭其私。謹矢誠心。柩前告辭。嗚呼哀哉。尙饗。



永清縣張孝子傳 民國二年六月

子童時聞人談張孝子事不能詳也。偶閱畿輔人物志載其事。復考他籍述于篇。獨其存沒之年不備。或曰孝子康熙時人。

孝子張姓。佚其名。世居永清縣南門外。少喪父。家貧。乞以養母。無室廬。穴土爲居。母年八十餘。供食無旦夕缺。暇輒爲童子戲以娛母。數十年如一日也。會天大雪。縣令道過其居。聞歌聲。起地中。左右曰。此張乞人也。召而問之。則曰。小人有母。年老矣。天寒。歌以侑食。耳。令義其行。載之歸。令有母。饋孝子母以粟布。令饋孝子以錢。則謝曰。小人年已六十。乞足養母。母安之久矣。太夫人賜吾母。小人不取。公之賜。小人不取。受。令益嘆奇之。爲營室於城內金花巷。給粟十石。孝子固辭無獲。則受粟而去。後莫知所之。縣令者浙江魏繼齊也。

贊曰。昔歸熙父作歸氏二孝子傳。謂二子平生不識詩書。能以純懿之行。自飭於無人之地。吾觀張孝子行。乞供母。養志終身。所遭尤困。其行於二子。乃過之矣。世有擁貨財。擅居積。至薄所生。以自厚。或乃違色養之義。賓客事其父母。視張孝子。何如也。

周公執贄見士辯

荀卿稱周公於士。執贄見者十人。還贄見者三十人。貌執者百餘人。欲言而畢事者千餘人。

臨川王氏以爲周公時士當在庠序。不得與公卿游。周公當薦士不得與士游。予謂不然。周公不下士。士安得爲用。其見士公也。非私也。士見於周公亦公也。非私也。士何嫌游於公卿。周公又何嫌於與士游哉。且亦安知周公之未薦之也。或以爲有職者當以爵見。周公位家宰。不當執賓主禮。是又不然。古之時尊如天子。有師焉。有友焉。豈固公爲家宰而慢士也。且又安知其非先以禮見。而後薦之也。夫庠序之法。所以造士。非所以用士也。聖人用士。守道而不恃法。特法以勸士用。則申商之爲也。周公豈若是哉。觀王氏之言。殆用申商之意。而第守其法者耶。

劄記一 甲寅

言治之說不一。或曰。法寬則民玩。是宜用嚴。或曰。法嚴則民殆。是宜用寬。爲調和之說者曰。寬嚴不可偏廢。寬則濟之以猛。猛則濟之以寬。是數說者。可謂言之成理矣。然施之實際。終鮮成效。則又爲之說曰。是風俗之弊也。是民情之偷也。信斯言也。終古將無可興之治矣。舍其本而末是圖。宜治道之難成哉。夫政無所謂寬嚴也。言寬嚴者迹也。誠以愛民爲心。以愛民之心爲政。發一言也。言乎人心之所欲言。行一政也。行乎人心之所欲行。以吾一人之心。通乎人人之心。卽以衆人之好惡。爲一人之好惡。利吾爲之興。害吾爲之除。息息相關。無有

阻隔。本實心以行實政。夫何有寬嚴之見存。詩曰。懍懍君子。民之父母。言乎有愛民之心。始能勝牧民之責也。竊觀古今吏治之盛衰。而知惟能愛民者。可以泯寬嚴之迹。亦惟能愛民者。始可居寬嚴之名。何則。世間用情之厚者。莫如父兄之於子弟。其愛之也深。而愛之也切。慮其無以養也。則爲之謀生計。視饑寒。慮其無以教也。則爲之擇嚴師。施夏楚。爲寬爲嚴。皆此愛之所爲。用爲父兄者。豈有成心哉。彼善爲治者。亦奚異是。其爲民謀者。至周至切。凡所以用威用愛。皆自爲民之一念而來。上與下既相信而相親。故政行而無所於吝。豈獨治邑然哉。伊古帝王所以理民致治者。罔不由是也。治道日衰。上下睽隔。一言用愛。則羣笑爲迂闊。掩口而竊笑。臨民者視官位爲傳舍。人民休戚。漠然不以關其念。卽有以吏治自矜飾者。亦不過假寬嚴之名。爲粉飾之具而已。內無實心。外無實政。天下烏得有良吏治哉。噫。使臨民者而眞知用愛。則天下治矣。

洞見癡結證徹本原 際唐先生

劄記二 甲寅

自古善用法者。未有不先明法者也。法明則民知所守。自凜然不敢爲非。昔梭倫立法。懸於衛木。羅馬立法。爲表十二。吾國成周之制。月吉讀法。象魏懸書。佈公布之法律。定明確之範。

圍。受治者有所据依。則爲治者亦不能任其意以爲重輕。此子產鑄書之微意也。且夫爲治者不能明法於先。以示之準。非獨民無所措。刑亦有時而窮。何則。上不能明法。則下必蹈法。甚且玩法。蹈法而不知。玩法而不懼。則犯法者將日多。刑其可勝用乎。中國法律未備之國也。雖其文繁如牛毛。然皆私於二三官吏之手。不令民間誦習。於是暴君汙吏。得以上下其手。而小民亦窮而無訴。子產有見於此。故先爲明法之計。蓋以待民既犯而用刑。不如先其未犯而明法也。子產之言曰。火烈民畏。故鮮死焉。夫火明象也。惟其明。故人不致玩。罔非以焦爛爲功也。世有謂子產用嚴爲治者。非知子產者也。

劄記三

子產治鄭。鑄刑書。作邱賦。及他興革。皆救世良策。然當時有執殺之歌。薑尾之謗。身沒未幾。崔苻至不勝治。讀史至此。未嘗不悵悵而悲也。曰。甚哉民愚之足以禍國也。以子產之才。乘鄭國之政。尙不能見諒於當時。制法於後世。民智不進。其害固若是哉。雖然。此未可以咎民也。彼民之愚。非其性然。恃在上者有以誘進而開導之。無明民之術。雖稱良法。亦只苟一時之安。人亡則政息矣。惜乎子產有惠民之稱。而無明民之計也。管子治齊。商君治秦。其功終不見於易世之後。亦由是耳。吾國言治者。動曰。民可樂成。難與慮始。又曰。民可使由。不可使

知此誣民之言。治化所以不進也。近世歐美各國。政教昌明。民智優裕。有所興革。舉國趨事赴功。不勞而理。一法之立。行之久而弊不生。夫安見慮始之難。使知之不可也。有明民之責者。其思之。

劄記四

謬哉。猛以濟寬之言乎。爲治之道。以實不以名。務其名以爲治。未有不害民而禍國者也。是以善爲治者。無寬嚴之名。嚴且不輕言。而忍言猛乎。今日政寬則糾以猛。法猛則施以寬。則是治民可以忽寬而忽猛也。反道以相矯。強政以從心。哀我憚人。日暴於水火之中。其何以堪。且夫相時爲用。時爲寬猛以制其宜。而無矯枉之過。伊古至今。未之前聞。二者爲用本殊。用之而失。而均有弊。然而害有淺深焉。不可不察也。用寬之失在傲。傲則弛。然害民之禍淺。用猛之失在急。急則殘。摧折之餘。民氣大耗。未有不戕民生。而斷國脉者也。竊嘗論之。治國猶治病也。人當六淫外侵。五臟受伐。其始元氣未盡。斷也。良醫於此。必將和其中氣。使收滋益之功。迨其元氣已復。漸以清利導之。而外邪自徐徐以退。彼峻烈者。固不輕用。卽清利之劑。亦不遽施也。庸醫不然。知害氣之已深。則務爲蕩滌以相勝。於是急投峻烈之臭。以收驅除之功。藥力所及。害氣固以除矣。然害氣除。元氣亦隨以盡。是藥石之爲害者尤烈也。爲治

之道亦奚異是哉。謬矣哉。猛以濟寬之說也。

劄記五

自武健之吏。不明教化之術。冀獲速效。用嚴法以爲整齊之具。而刑亂用重之說。乃爲殘酷者所藉口。夫以猛治民。非不可爲一時之禁。然而不能久也。不教之民。無懷刑之念。卽嚴以繩之。習之既久。其狃於重法。猶其狃於輕法也。則刑固有時而窮。老子曰。民不畏死。奈何以死懼之。王船山曰。人知民之玩水。而不知民之玩火也。立法過嚴。民無所措。舉一世之衆。使之喪其樂生之心。則趨於刑而不避。蹈於死而無悔矣。秦隋之末季是也。猛亦何益哉。或曰。古者殺以止殺。刑期無刑。何謂也。曰。殺以止殺。其意在無殺。刑期無刑。其本在不用刑。以無殺無刑爲心。則其所設施者。可以想見。豈以殘賊生民。爲飲鴆止渴之計乎。

各有所見首藝最佳 江叔海先生 劉際唐師印登瀛南宮縣人

問傳稱劉矩民有爭訟常引之於庭提耳訓告以爲忿恚可忍縣官不可入使歸自尋思

訟者感之輒爲罷去夫息訟之道此爲盡歟試抒所見而詳陳之 甲寅冬月學期考試作

折獄之道。惟其平而已。所謂平者無他。平吾心以平人心而已。吾心平則是非明而眞僞判。譸張不能爲幻。斯剛良者卽於安。訟將不禁而自息。孔子論聽訟。而歸其本於大畏民志。無

情者不得盡其辭。夫無情者有所畏而不得施詐。則刑當厥罪。訟何由興。此無訟之效。所由著也。若劉矩之事。吾感焉。史稱矩於民之爭訟。提耳訓告。以爲忿恚可忍。矩之爲此。殆欲以禁訟者爲息訟之方也。夫訟之起也。由於人心之有所不平。欲息訟宜先息心。心之不息。則合抑不伸。蓄之久而憤彌甚。勢將一發而不可復遏。舍聽斷之常道。而務喚咻之私恩。豈稱爲民父母意哉。且矩所謂忿恚可忍者。其說尤誤。訟不一類。愿者而訟。爲伸其理。黠者而訟。爲售其欺。愿者能忍。不待吾言而後信。黠者自不忍。又何恚之可言。如矩之爲。將使愿者安於不較。以忍受而無爭。黠者恣爲侵漁。以得志而益肆。是待良民者嚴。而待姦民者轉寬也。矩又曰。官不可入。歸自尋思。此尤失理。民之道者也。夫民之入官。非得已也。不得已而入官。又必其忍無可忍者也。今日官不可入。曰歸自尋思。夫官不可入。又焉用官。尋思可已。何待於訟。以是臨民。訟或息矣。其能終息乎。吾恐鬱久必發。其爲訟者益多也。或曰。孔子有言。道德齊禮。有耻且革。矩蓋以德化者也。夫所謂德化者。在道齊於未訟之先。非道齊於既訟之後也。民之有訟。已足見德禮之未敷矣。矩又安能以自託乎。竊嘗論之。息訟之術。有治標治本二端。宅吾心以平。平。生公。公。生明。善惡曲直。當前立判。不肖者無所遁。則非心自革。善良者得所庇。則爭訟不興。此治標之說也。與教育以培其本。謀本業以厚其生。事畜足而禮讓。

與雀鼠之爭。不禁亦息。西儒謂民之無良。由外境所迫而成者多。由良心習惡者少。昔人所謂衣食足而知榮辱。亦此意也。此治本之說也。惜乎矩不足以語此也。

鉛山縣立高等小學校畢業齒錄序 戊午

縣立高等一班。今秋舉行畢業試驗。既竣事。有同學齒錄之編。請以序弁其首。余則爲之言曰。前清光宣之交。設立學校。數以千百計。於是新學舊學之名。因之以起。夫學以應用而已。無所謂新舊也。陸子有言。東海西海。此心此理同也。千載上下。此心此理同也。心與理者。學之所由以出。其本固同。而獨標爲新舊以言學。豈有當哉。學之品二。曰道。曰器。西國言學。道與器並重。各專其業。以致其精。吾國重道而輕器。往往於物質實驗之學。棄置而不屑道。乍見其所不習。則又驚笑怪異。羣起而排擯之。夫學不徵實。何以應用。見此拘泥空流者。所由爲世詬病也。乃者承學之士。亦既心知其失。而思有以救之矣。挾淺嘗膚受之智。急焉無擇。舉吾所固有者。欲盡取以除絕之。一倡百和。變本加厲。甚或禮法之外。倡言自由。家家之間。主張平等。矯弊之弊。弊乃過於所矯。害中於人心。溺焉而不能自拔。識者又以爲世道無窮之慮焉。夫學無新舊者也。斬於用而已。由所用以覘學。無古今。無中外。一也。孟子曰。幼而學之。狀而行之。諸生既卒業小學。行將入中學。入大學。皆學之日也。祛新舊之見。而以致用者。



爲歸。成而行之。我知其必有合也。是在諸生自勉之而已。  
民國五年秋八月既望武清曹效曾序

與內務總長書 民國五年丙辰

上略顧○有不能已於言者。蓋聞立國要政。惟教與養。孔子言政。必先富教。書言正德。兼重厚生。竊觀吾國現勢。所以禍變相循而未己者。實以民生困竭。教育缺乏。爲其主因。比年以來。民氣已大耗矣。搜括羅掘。已殫而竭。而厚生之計。闕焉未聞。環顧四郊。舉皆嗷嗷待哺之人也。竭羣衆之脂膏。以供少數人無等之欲。暴戾恣睢。無有饜足。積怨已深。禍將一發而不可救。卽曰。民至愚弱。甘受刳割。然民財已竭。民心日離。皮之不存。毛將安傅。世固未有無民而能立國者。此宜急籌者也。是無養也。教之不振。至今日而極矣。朴學已墮。無復國華新學方萌。遽遭摧折。其能融新故。貫中外。酌時宜以有立者。蓋未可易得。起而議政。爭權利不爭是非。有黨見而無政見。勢迫利誘。則善惡可以相賈。初終不嫌易節。政局迭變。禍患頻興。釀而成者。非伊朝夕。此寧獨一二人之罪歟。夫此特其上者然也。起視國中。所謂學校者。固已日見消滅。一聽其自生自長。而無以爲提振獎進之計。向學者如墮五里雲霧。茫乎不知其所適從。爲學不足以營生計。赴功名。其秀而黠者。方且太息待時。冀有亂端以圖一逞。

雖倒行逆施。弗惜也。孟子言。上無禮。下無學。賊民興。其今茲之謂乎。此宜急籌者也。是無教也。至於吏治。樁窟無可諱言。揆厥無由。其本在上。今國家所以獎進者。是能吏非良吏也。工偵伺。精侵略而已。工偵伺者。羅織爲功。精侵略者。箕斂奏績。甚至摧殘善類者。有幹濟之褒。搜括逾常者。膺卓異之獎。揆於設官爲民之意。毋乃相背。上以是求。下以是應。卽有本愛民之心。爲愛民之政。如古循良之所爲。其不能取重於今世無疑也。是無吏治也。教養交弭。吏治日墮。國欲圖存。是南行而北向也。豈有幸哉。今者民制重建。國會復興。竊謂時勢至此。已如痿人望起。治標斷無可奏之效。苟不維其本。而津津於涂飾苟且之計。恐日言籌畫生計。日言普及教育。日言整頓吏治。於實際無毫末裨也。抑○更有進者。今之論者。輒曰。大局已定。大亂已平。愚謂不然。中國之危。未有如今日者也。亂端雖熄。禍機隱伏。操之以盛。必相推相激。而演非意之變。法國革命之禍。其前車也。夫書生不揆時勢。理想之論。施於實際。恒阻格而不通。挾一人之智。以例羣。愚吾心。至公。推而行之。適得相反之效。迨事機已去。亂隨以興。揆於初心。抑且無以自解。其究也。徒予姦黠者。以肆惡之柄。而爲見仇者之所藉口。歷觀中外。變亂相乘。而莫能止息者。往往由是。甚可畏也。閣下素抱憂時受國之志。今幸事權得假。知必有扶持匡救之策。足以酌時措之宜。而饜斯民之望者。國與民其交賴焉。不揣冒昧。

敢進一言。惟希垂鑒。

中所指陳多能洞中時弊。陸唐先生

此寄孫伯蘭姑丈書。孫公未久去職。貫之記

縣立高等小學校校舍落成碑記 戊午

州序黨庠之制。備於周。弛於唐宋。明以制藝取士。歷數百年而弊已極。自清季庚子之役。激於時變。始知興學爲不可終日之事。州縣有學。所由始也。鉛山高等小學校。向設都闔營。屋宇湫隘。非講習所宜。丙辰夏。余奉檄來撫茲土。環顧校舍。太息久之。校長祝君壽欽。以改建學舍請。且曰。鉛邑爲朱陸講學之地。考棚宏廡。有四賢祠在。使學者聚處於此。必油然而興尙友之思。遷移蓋未可緩。余深韙其言。居數月。簿書稍暇。乃募集千金。屬其役於紳董。鳩工庀材。賦經營焉。以丁巳二月始事。六月落成。七月遷徙其間。教室之外。運動有塲。栽植有園。自圖書器械。以及陳列。儲藏。膳宿。烹飪之所。罔不繕治。今余奉調寧岡。邑人屬爲之記。并屬所以詔後進者。余乃正告之曰。昔朱陸講學。演義利之辨。聽者至爲泣下。其提警後學。可謂深切病痛。夫義之於人。猶布帛菽粟。而不可一日離也。君子知義可制物。故取之也精。集之也至。凡辭受取與生死之道。罔不辨析幾微。毅然有以自守。世道衰微。人心日趨巧詭。錙銖

之利。毫髮之害。同類相排。攢爭趨避者。往往而有。非夫特出之士。卓然克自樹立。蓋鮮能振拔於其間也。士莫先於尚志。而世道人心之移易。則在乎以身爲天下倡。誠有師儒學子。憫末俗之可憫。耻污下之不可以居。析義與利大辨。以倡示徒黨。如朱陸之所爲。志氣所動。蹶者以興。由一人一邑。推而達於一國。風會之變。人才之奮。未可以意計也。鉛邑士習。素稱淳樸。名儒碩士。代有其人。於以見朱陸之遺澤猶存。後之學者。絃誦其中。聞古人之風。皇然興起。則是役不爲無補也已。歲在戊午。夏月。鉛山縣知事武清曹效曾記。

讀史記循吏傳

史公作循吏傳。獨取孫叔敖。子產。公儀休。石奢。李離。自五帝至秦漢。所列五人。皆在周末。而孫叔敖子產公儀休。不徒以吏治爲名。奢與離者亦無治狀。世多疑之。余觀史公之叙曰。文武不備。良民懼。然身修者。官未至。曾亂也。奉職循理。亦可以爲治。其意蓋謂漢尙吏。治務爲一切之計。而民俗日以媮。姦僞滋起。酷吏並進。上不知所以移易。則務以刑罰相勝。於是法益峻刻。而不得其平。上下相劬。浸以誣冒。推其本。以爲爲政之道。本於身修。在導民於善。上下有體。奉職莫如任官。守法莫如不阿。五人者莫不先修身。而後及於民。而奢與離者尤較然不欺其志者也。三代遠矣。下若王成文翁者。尙未足以語此也。

堯命鯀治水說

史稱堯仁如天。智如神。堯之時鴻水橫流。求能治水者。四岳舉鯀。試之九載無成功。或曰。九載民命。堯以鯀試。不可謂仁。知鯀不可用而用之。不可謂智。予曰。此不足爲堯病也。常是時。禹尙少。在廷諸臣。能治水者。蓋莫鯀若。四岳所以舉之也。攷鯀之治水。爲堙九仞。是知障而不知道也。雖無成功。力亦勤矣。此不可以人而沒之也。吾嘗論世間用情之篤。莫如父兄之於子弟。子弟危疾。羣醫束手。爲父兄者。其忍坐視耶。知醫之不良。且僥倖於一試。蓋有所不得已也。夫堯豈不知民命之爲重哉。視蚩蚩之昏墊。而思有以救之。以紓吾心之憂。知鯀負命。且使試之。堯亦有所不得已也。然則堯之用鯀。何病於仁。亦何損於智哉。

覆省長稟 丙辰七月

在省晉謁崇階。恭聆鈞誨。並飭查前任孫知事。是否有歡迎亂黨情事。某遵卽密秘訪查。該知事尙不至有此謬妄舉動。當玉山肇亂之日。正鉛邑戒嚴之時。僞電飛來。紛於訛言。而幾淆黑白。大軍遙隔。懾於臨事。而未免蒼黃。常吏昧於斷機。而情有可宥。書生拙於應變。而心實無他。某詳採群言。僉皆一致。所有查覆情形。謹卽據實以聞。

覆道尹 飭轉省長諭各知事陳明候核 丙辰七月

奉到鈞署飭轉省長密諭。令各知事陳明有無某項愆尤。量爲進退者。祇聆之下。欽佩莫名。伏念某材不逮人。行能無取。幸緣際遇。遂荷旃幘。愧無一日之長。謬膺百里之寄。接篆以來。才五十日。應理之事。殆千萬端。司法期漸改良。附納尙少收入。會因移交之遲滯。難爲急切之進行。時或能爲。敢云期月而已。可。職惟自勵。凜乎來日之大難。實政本於實心。但使撫捫而無愧。守官莫如守道。未便矜飾以自媒。所有奉諭自陳各件。謹卽據情以聞。伏希查核轉詳。至爲公便。

鉛山縣故紳布政使銜廣東南韶連兵備道華祝三入祀鄉賢呈文看語 十年五月

上略竊惟祀先賢於西學。禮經聿伸桑梓之恭。溯長治於南邦。治譜足壯粉楡之色。國有顏子。何容久闕其幽光。社立欒公。應許得邀夫曠典。矧景承新命。報功卽起化之原。而采錄舊聞。修德備遼尊之選。茲有已故布政使銜廣東南韶連兵備道華祝三。秀毓鷓湖。道傳鹿洞。竹林競爽。芸閣蜚聲。韓昌黎以進士起家。爭誦一時諫草。姚逢源以郡公致任。猶留百粵甘棠。謹陳遺徵。用陳鈞鑒。國家政先孝治。聖賢行始彝倫。此君陳必施爲於家。而何武尤潛修於內。封君守義。中年而願作鰥魚。太母舍飴。暮齒而哺同慈鳥。先生則痛報劉日短。不能爲李密之陳情。所忻祝嘏春長。且恭迎於陵以就養。一麾出守。萬里奔喪。薄方進之奪情。牽衣

不顧慕。薛修之終服。廬墓興哀。祖產讓居。師疏大夫之遺意。宗祠獨建。學范文正之初基。貞媛表其懷清。從弟哀其殉節。惟一本之誼。以報重師門。慰九原之心。以養隆舅氏。其天性之厚。有如此者。且夫庸行必本於闇修。而精詣必成於深造。承宮之苦。忘失猪羣。朱穆之專。不知馬足。先生涅磨堅白。紹述程朱。探討六經。解紛紜之聚訟。瀏覽諸子。斥淆亂之羣言。史材則胸貫馬班。誥體則力摹燕許。言事有關大計。張伯紀獨劾姦邪。衡才不取浮華。王師且恐傷風雅。其或輜軒紀錄。悉屬山川風土之詳。縱然壇坫廢歌。無非忠孝性情之作。徐遵明知真師所在。程伊川束羣書不觀。其學述之正。有如此者。若夫六廉重計吏之條。三載有興賢之典。先生自佩矜伊始。物守青氈。及釋褐而還。居仍白屋。待漏聲於午夜。玉堂唯讀秘書。慎臧字於寅僚。鎖院不通關節。郝廉之飲路井。必投一錢。李勉之權夷船。驟增千柁。孟伯周革除弊政。復還合浦之珠。陸公紀取壓歸裝。祇有鬱林之石。馮道根貴如素士。張乖巖儉若枯禪。其操守之潔。有如此者。至於展大猷於平昔。樹芳軌於將來。先生初履木天。晉銜徽省。行且止。人避前駒。侃侃而爭。政除害馬。蓋其縮符隴郡。亦嘗借箸軍門。回紇未識令公。驍騎請留禁旅。蕭育是杜陵男子。言罷拂衣。汲黯非河內使臣。便宜行事。故得靖西陲伏莽。荆棘胥捐。亦旋膏南國芄苗。桑麻殆徧。段參政單車詣府。一道福星。姚武康練衣居官。十年蠻雨。

其權臬使也。費除解審。而雀鼠風清。其兼運司也。課釋負租。而鯨鯢波靜。元氣得以回復。綸音獎以廉明。楊君去繁。四門塞未。崔戎離華。合郡持靴。方之前修。實多遺愛。其經濟之優。有如此者。然勳名藉甚。無預鄉邦。而利病周知。有功故土。當夫禍延白馬。劫遇紅羊。江右恣其憑陵。城邑則千瘡百孔。贛南任其殘破。閩閩則十室九空。非得韋皋鎮蜀之才。徒生元結道州之歎。先生初則鄉團是練。飛檄防曹。繼則閩寄將移。上書借寇。沈司空從容撫輯。重新舊日湖山。劉都護謹慎招徠。益復中原人物。卽此挽留一疏。已堪食報千秋。乃主講席而共仰龍門。二十年裁成英俊。修邑乘而上師麟筆。數萬言闡發懿嘉。他若公益寬籌。屢勞行李。偏災偶見。卽請發棠。子敬之困。以濟人而慨贈。孟嘗之券。以從客而全焚。故常章水流恩。族黨久刊之心史。不必峴山墮淚。軍民已勒爲口碑。爲綜出處以略陳。究非名言所能罄。無慚輿誦。卓薦三膺。迨備箕疇。民歌五福。人倫冠冕。鄉先生百世可師。搢紳楷模。真君子萬民所望。泮宮芹藻。在當年雖樂重游。庠序蘋繁。在此日宜歌安云云。知事核看得已。故清翰林院編修。廣東南韶連兵備道。署廣東按察使。華祝三。德合剛克。道合陽休。初直承明。已多建白。兩結珊瑚之網。歷膺喉舌之司。彙征旣協於茹連。籟俊罔滄於藻鑑。若鷹鷂之逐鳥雀。曾批經尺之鱗。舍狐狸而問豺狼。不作立仗之馬。忠如汲黯。禁蘭實所願居。直若望之。平原於焉出。



守。用布宣慈惠和之政。以慰歎息愁恨之民。嚴闔稱柱石一新。子產歌農桑千里。維良作牧。所去見思。泊其息影林園。猶復關懷鄉國。四郊多壘。籌防靖刀斗之聲。兩院衡才。講學泯異同之見。疏大夫知足無聲。范文正後樂先憂。以方古人。殆無愧色。風聲所樹。既足發其出光。月旦允符。應得邀夫曠典。華字堯峯曾劾清恭王

民國十年二月爲鉛山故紳清翰林院庶吉士廣東信宜縣知事饒佩勳請入祀鄉賢  
看語

知事核看得鉛山縣故紳原任廣東信宜縣知縣饒○○性成孝友。業履端純。貢鏐經鑄史之才。早蜚聲於藝苑。備春華秋實之氣。旋載筆於綸扉。泊其出宰一同。觀成三異。學優則仕。國爾忘家。知守道不外守官。本實心以行實政。比漢循吏之選。去則民思。如楚令尹之清。已無慍色。棘闈拔士。秉藻鑒以網珊瑚。黍谷嘘春。嚴米禁以實倉廩。募團防而倡捐鶴俸。則智燭先機。修文獻而仰淑麟經。則業光邑乘。惟桑與梓。待以食者百家。排難解紛。宅乃事於周黨。遺惠旣傳爲輿誦。賢聲實協於鄉評。謂宜崇祀以馨香。俾作後來之模範。

爲鉛山縣節婦饒江氏呈請褒揚 六年

該看得節婦饒江氏柔嘉維則。淑慎其身。當桃李豔陽之年。勵松柏歲寒之節。奉孀姑以終

養。撫弱息以承宗。使死者而有知。庶生者之無媿。既克修其天職。洵無間於人言。核與年例相符。應沐旌揚之典。

修建安洲浮橋募捐佈告 民國六年

照得鉛山安洲渡爲城鎮往來之要路。亦贛閩交通之咽喉。閱時已多。渡船遂少。每風天雨夜。則彼岸難登。值春至水生。則覆舟爲患。行旅苦於惡索。商賈視爲畏途。本知事到任以來。每欲建造橋梁以紓斯困。茲經集紳籌議。詢謀僉同。咸謂提倡路政。莫此爲先。利濟行人。當務是急。期將來無病涉。願積極以進行。惟修建浮橋。必先募款。果使先時而款集。無難刻日以觀成。爲此布告。閩邑商民人等知悉。安洲既是要津。建橋尤爲善舉。衆生普渡。佛氏所以稱尊。見義不爲。孔門謂之無勇。既屬益己利人之舉。諒無徘徊吝惜之心。務各量力輸捐。隨緣樂助。俾收衆擎易舉之效。而竟一勞永逸之功。本知事有厚望焉。

安洲浮橋於六年經始。七年觀成。遂無病涉。迨九年予再任鉛山。建橋餘款已置田給用。實爲經久之計。主其事者祝紳壽欽等也。存此以備遺忘。實之記。

任贊儒先生像贊并序

先生名贊。字贊儒。別字禮德。西庚處士次子也。處士仁孝樂施。其行誼已詳於邑乘矣。先生

生而穎秀。篤行勵學。道光末。以廩生任樂安訓導。升南康教諭。所至以正學迪後進。服其教者。至今謳思。咸豐初。告病家居。洪楊之亂。督鄉團。晝夜堵禦。以力戰死。子熾昌亦及於難。事聞。賜卹世職。記曰。戰陣無勇。非孝也。先生父子。殆無愧焉。余始來鉛山。卽聞任氏之多才賢。今年春。先生曾孫雲帆。爲其母楊太恭人六十之壽。余嘉其志節。旣序以書之。今雲帆將刊其家乘。奉先生遺像屬題。詹望輿思。因爲之贊。○鵝峰蟲蟲。鳳嶺嶙嶙。篤生先生。積行成仁。教澤所暨。羣士響臻。式遏寇虐。以隕其身。有子象賢。克光先志。勁草疾風。舍生取義。世德彰垂。其源有自。嗟今之人。惟利是趨。或當其位。或逢其時。汝汝沒世。竟死何施。邈矣先生。是準是儀。

謝鉛山七紳啟 七年

○猥以輕才。謬膺民事。水淵競懼。寒暑迭更。謂敷政而得其平。實吾斯之未能信。今值分手之日。送承題額之貽。獎飾逾恒。拜登滋惡。桃潭千尺水。曷喻情懷。華袞一字褒。亦增顏汗。驪歌載唱。馳系良殷。用肅寸箋。藉申謝悃。

復謝祝壽 十一月

年華似水。又逢攬揆之辰。賓從如雲。猥荷祝釐之雅。吉羊止止。譽燕重重。飾以珠玉之辭。重以篚筐之錫。百朋不啻。五內式銘。就維鼎履延麻。升恒叶吉。載瞻喬采。曷罄頌私。○○忝擁隼旟。滋慚鷓翼。駒光易擲。馬齒虛增。誦蓼莪以詠懷。對滄江而興歎。縱善頌以善禱。遑欲壽而欲安。宇宙吾生。敢索梅花之笑。冰霜歲晚。矢堅松柏之心。尋玉趾之遙臨。治清樽而未潔。何以酬之。愧乏瓊瑤之報。中心寫矣。彌殷繾綣之情。敬具蕪箋。用申謝悃。

致和 ○

前塵如昨。勞燕東西。春樹暮雲。曷勝軫結。敬維道履綏和。定如私頌。蔣君由浙來閩。具悉○帥及○兄意旨。爨年共事。今各一方。一水盈盈。不得合并。思之悵然。○之於○。本綰紵之交。兼袍澤之誼。同舟共濟。謂在斯人。孰意○。○事事見迫。頓忘前好。苟異於己。恣意排除。衆畔親離。其何能淑。此固我公所親見。非○。○私言也。側聞同安之役。我公允其所乞。假以偏師。是因輔車之依。用顯唇齒之誼。道路所傳。諒非虛語。惟念時局蝸蟻。日益紛擾。士卒罹鋒鏑之困。人民陷塗炭之中。滿目瘡痍。見者心恻。是所謂禦侮未遑。而閱牆啟毀。同根並植。而泣釜相煎。此智者所不肯爲。抑亦仁者所不忍出。想公高明。必同此感想也。鴻鱗阻隔。音

問多疎。茲遣○○齋函晉謁。以申情愫。公餘多暇。竊願有以教之。舟車乘便。遽使惠臨。尤所心企。臨穎神馳。言不盡意。

電

竊聞制變以時。緩之則害大。除惡務盡。縱之則亂成。自古以然。於今爲烈。○○○○○叛人之黨。殘賊之餘。向藉密援。敢爲頑抗。兔狡憑穴。狐崇據邱。速我誅劔。終成逃竄。謂其自陷窮蹙。宜企良圖。乃自入浙以來。野心復熾。繕兵補卒。增壘閉途。潛蓄不逞之謀。甘效乞活之舉。以致邊民驚恐。呼籲頻仍。浙當局反藉因依。罔加抑制。輔以羽翼。倚若藩城。揖盜爲朋。教猱升木。近更增防衛處。進迫蘇淞。敢冒不韙之名。圖肆無等之欲。禍閫未已。進而禍蘇。積慮處心。路人共見。不獨違和平之公約。且以壞大局之統一。失今弗圖。禍伊胡底。懇乞鈞座迅施乾斷。下令討伐。合四省之師。勦一隅之敵。順逆所在。成敗立形。奉義而誅。何罪不服。若予姑息。適長亂階。民之利病。國之安危。舉以繫之。○○職任治軍。心知衛國。爲除公敵。願董師徒。矢竭駑駘。以供驅策。敢貢愚誠。伏惟鑒察。

復徐司令鏡清病假還湘

徐湖南人

年華如水。歲序驚移。忽展雲章。倍增洄溯。卽維履止綏嘉。式如所頌。承示日內返湘。拚擋家

事。何統帶委代已久。定必措置裕如。惟是盈盈一水。未能躬送行旌。東望海天。曷勝悵惘。尙冀料理就緒。早掛歸颿。楊柳依依。正不減故園松菊也。

復福州簡易夜學校

逕覆者頃接華函。備承藻飾。自維譴陋。愧何克當。貴校敢迪顓蒙。灌輸文化。施相當之教育。無虛擲之光陰。心誠求之。汎愛衆如保赤子。性相近也。作新民將無白丁。祇服熱忱。曷勝佩慰。所有捐洋具如別紙仰維教學。果利用於三餘。譬如爲山。庶取資於一篑。

爲董營長世信被戕募捐啟

已故營長董君世信。山東定陶縣人。畢業軍官學校。民國六年從軍入贛。寔升是職。董君嚴以自束。公爾忘私。習六韜三略之書。抱整軍經武之志。去歲轉戰贛閩。今秋駐防泰甯。四郊無雞犬之驚。百里有壺漿之獻。軍容秩秩。威服振振。干城之寄。其有託焉。何圖噩耗傳來。良材遽隕。勇忘重閉。效失左牽。劍出匣而沙埋。日升空而雲掩。寒燐熠草驚聞。杜宇之聲冷月凝霜。空灑英雄之淚。遇難隕身。年方三十有四。嗚呼惜哉。董君室若磐懸。家徒壁立。高堂垂白。少婦冷青。應門無五尺之童。扶牀僅四齡之女。關山伊阻。風雪載途。旅櫬難歸。羈魂何託。○○○誼深同澤。聞鼙鼓而愴懷。念切維桑。撫刀弓而增痛。聊捐簿俸。用代生芻。所願同

人共襄義舉。或推情而傾助。或量力以扶持。使沒者而有知。庶生者之無愧。鯨碧海得歸。先軫之元。化鶴丹霄。應充杜回之草。

復河南靳將軍

頌奉瑤函並頌大作三册。盟香披讀。滿目琳琅。粹商周彝器之英。箸河洛吉金之錄。地不愛寶物有逢時。其信然耶。我兄治軍餘暇。愛護國光。舉而出之。維持久遠。熱誠毅力。無任欽遲。專泐敬謝。頌頌勛綬。

頌詞

中華民國十三年十月一日福建省議會續開制憲委員會。議躋躋踰踰集於一堂。詢盛事也。謹為辭以致其忱曰。

人亦有言	天高聽卑	默定下民	主善為師	省有議會
立法之基	上徵往昔	下鑑今茲	因革損益	酌時之宜
良匠作室	因材而施	稍附輕投	匪曰良醫	削足適履
辭不顧躋	千里之謬	差自毫釐	權中立制	祛偏去私
禍福與共	功罪之尸	邦人君子	勉企良規	張皇發越

庶馮可期

復賀秋節

宣南春早。會滌隆情。漢上秋高。益思偉度。比維○○虛懷雪湛。朗抱霞張。吟風月於三千人。在冰壺影裏。近雲霄之尺五。秋來金粟香中。引企豐規。良殷離索。○○片席未煖。筠節旋移。控帶海巖疆。肩承愈重。佩故人雅誼。手奏聊將。肅謝藉頌秋祺。祇請台安。惟希朗照不具。

又賀友人秋節

階級飄梧葉。座捧蘭言。承藻績之逾恒。撫叟秋而益慕。敬維○○因序凝釐。順時納祐。皂纓烏帽。益覩詩老之精神。霽月光風。盡入仁人之懷抱。喬輝引領。抃頌傾心。○桂序虛逢。薪勞無補。蕭蕭蒲質。慚疆奇之難勝。脈脈禪香。願教言之無隱。肅復敬頌節禮。並請○○安。諸維澄譽不具。

賀京友春節

長隄草綠。官閣梅紅。回首故人。如在天上。關心別緒。又到春前。恭維○○鼎祉延鴻。履祺適駿。吟雪兆利梅之信。雉鼎斟膏。御風臚躡柳之歡。鳳簫叶律。甌名預兆。鏡聽良殷。○久玷臺符。忽更歲瑄。勞心日拙。時惕履冰。彈指風光。又逢解凍。輒因始和之吉。聊陳通訊之書。



賀大總統壽電

時逢良月。喜值誕辰。恭維泰祉繁膺。蕃祺駢集。天授平格。康強徵逢吉之麻。德固永貞。昌熾協壽臧之應。俾緝熙於純嘏。用敷錫厥庶民。○久荷鈞陶。欣當景運。晷趨莫遂。燕賀彌殷。晉歲寒松柏之辭。祝釐有願。上日水蓬萊之頌。受福無彊。謹祝嵩齡。伏惟鈞察。

賀大總統就職

○幸隸。仁旂遙運。鈞誨渥承。眷注寵錫。駢蕃恭維我。○乘時首出。物望攸歸。揭日月以重光。爲黎元所託命。雲天翹首。葵藿傾誠。伏念。○少歷戎行。未諳韜略。幸緣際遇。竟荷陶鑄。委以方面之專。重以股肱之寄。沐雨露以爲潤。假羽毛而使飛。鵬因擊水以搏空。鰲爲戴山而知重。屬者國事墮壞。民志譁張。蠻觸相爭。蜩螿未息。飄搖風雨。憂大廈之將傾。震撼波濤。橫孤舟其未渡。鑑茲國步。徵厥民瞻。翌世運於方表。知大任之有託。○惟有整軍經武。藏器待時。裨共濟於艱難。庶仰酬夫知遇。

復投誠某旅長請爲弟子函

○君來賚到手書。詢悉動止。咸宜慰甚。慰甚。猥承錯愛。致意拳拳。雖隔雲山。恍親馨歛。循環雝誦。愧感交並。○學燕才輕。未嫻韜略。幸緣際會。忝領疆圻。吾弟謬採虛聲。虛懷若谷。抗顏

當席固無德以克堪。異若同岑。願依仁以爲輔。比者政局紛擾。入表同昏。變政以來。豪強割據。當其盛也。挾山超海。莫與爭鋒。及其衰也。石火電光。亡不旋踵。然則目前功利。何足深計耶。值茲國步艱難。民生重困。正賴二三同志。努力協心。以圖匡濟耳。吾弟宅心遠大。秉性堅純。志衛國家。義安桑梓。將來所就。正未可量。念齒唇之相依。欣腹心之有託。風雨如晦。共濟切乎同舟。松柏歲寒。後彫期於晚節。所願以自矢者共矢。自勉者共勉而已。舟車乘便。惠然蒞止。是所心禱。專此佈復。敬問戎釐。

復外僑領事 十二年延平

逕復者接准來函。聆悉種切。查閩省自變亂以來。盜匪縱橫。上游山多路狹。尤爲叢集之所。○到任以來。矢志掃除。派隊分剿。冀爲地方去此患害。現在盜匪被兵追迫。紛紛逃竄。誠恐擾及行旅。自應加意保護。以策萬全。每遇貴國僑民來延。一經報告到署。即派軍隊護送。並經令各縣知事。通知貴國僑民。於此追剿緊急時期。如無要事。暫勿遠行。此出於敵師長慎重邦交。愛護友僑之意。諒爲貴領事所洞悉。不意南平縣知事。未達此意。竟於住在近地茶坪之教士。亦勸令回城居住。雖其意爲慎重起見。然於敵師長防慮未。然特別維護之意。尙未能剴切。宣達敵師長甚爲抱歉。茲准來函。用特佈復。尙希諒察是幸。即頌日祺。

復聞海道尹 延平

南

月初旌東下滿擬趨送河干比聞冒雨起程片帆遠引溯洄秋水我勞如何頃誦瑤函就  
簪下車伊始敷政優優遜聽下風曷勝忭慰我兄詩宗元白治擅龔黃此邦旣懷去思彼土  
將歌孔邇旌節所蒞著於謳吟榕城山水之鄉烏石金崎並饒佳勝值此金風滌暑玉露涵  
灑吟壇定多佳興也臨穎神馳不盡欲言秋

賀總理

欣悉榮膺首揆。望重群僚。考周室分職官書。邦治歸之冢宰。讀宋人待漏院記。國事繫於相  
君。翹企鴻猷。敬申燕賀。

賀外長

欣悉榮承特任。職重鄰交。樽俎折衝。冠裳集合。樹風聲於遐服。博國際之同情。一字爭其重  
輕。萬邦期於和會。衆情翕服。百爾翹瞻。載企新猷。用申肅賀。

賀財長

欣悉特膺任命。總堯度支。讀太史公平準書。抑末所以務本。得唐劉宴理財法。裕國在於利  
民。載企鴻猷。用申燕賀。

賀海長

欣悉崇銜依舊。心簡特膺。職掌犀軍。書傳鵲報。斬池中之蛟鱷。胥定風濤。靖海上之虫沙。羣  
違號令。鴻猷悉聽。鯉躍莫名。

賀法長

欣悉中樞特簡。比部提綱。挽大地金輪。力馴龍象。縮如山鐵案。化肅鷹鷂。引企風儀。良殷露  
祝。特申燕賀。佇見鴻猷。

賀交通總長

欣悉拜命。中樞總司。路政梯山。航海勳名。達萬里而遙。掣電馳風。聲教播五洲之表。以長才  
當重任。若熟路駕輕車。悉聽鴻聲。敬申燕賀。

賀農商長

欣悉衆議僉同。榮膺特任。總農商而爲政。利用乃以厚生。本富教以馭民。體國原於經野。遙  
聞鵲報。敬賀鴻猷。

賀巡閱使兼淞滬護軍使

榮膺兼職。更握新符。犀軍霜肅。靖錢塘八月之濤。虎帳風高。剪吳淞半江之水。隼旗翹首。燕

賀傾誠。

電賀某督秋節

疆符忝領。桂序欣逢。記時當素籥之分。彌節想白檀之盛。遙維勛高方鎮。績耀圓靈。節朗清秋。懸冰壺於睿府。塵消大夏。握金鏡於神機。莫親星履之輝。彌切月恒之祝。特此奉電。藉佈賀忱。

謝電

支電敬悉。○智不逮人。才非經遠。幸叨厚庇。渥荷隆施。懼貽羊質之譏。用凜鵠梁之戒。辱承藻飾。感愧交縈。謹電肅謝。伏惟垂察。

電賀年節

履端肇慶。獻歲更新。翊贊金甌。赤縣化紅羊之劫。鈞調玉燭。黃國晉白獸之樽。寢熾寢昌。誠歡誠忭。謹電肅賀。並請鈞安。

電賀洛陽○巡閱使秋節

策勳函夏。資一柱以擎天。勝賞延秋。橐萬流而仰鏡。恭維○乘時執矩。撫序綏釐。績炳圓靈。雲漢煥昭回之象。勳高方鎮。嵩華協峻極之稱。導河洛之澄波。霜清垂角。宅風雨之和會。

月朗天心。○遠戍劍津。欣逢桂序。鴻鈞遙隸。難親檠戟之輝。燕賀惟殷。聊上升恒之頌。

電謝授七獅軍刀代

恭讀明令授○以七獅軍刀。○謬綰軍符。未嫻鈴略。邀榮逾分。祇受滋慚。懼貽鷓翼之譏。彌凜虎皮之戒。服虔不稱。感且無涯。謹電肅謝。伏維垂察。

履謝賀授上將

江電奉悉。○本乏行能。濫叨寵錫。誦鷓羽而滋惕。懼羊質之貽譏。獎飾逾恒。感愧交集。敬電復謝。順頌勛釐。

電謝任命○威將軍

恭讀明令任命○爲○威將軍。下風迷聽。被寵以驚。伏念○○才不逮人。智非經遠。仰叨厚庇。迭荷隆施。鴈繫水以搏空。鷓在梁而滋懼。名難實副。感與愧懼。矢奮駑駘十駕之勤。冀答駿惠千鈞之報。

電賀孟旅長 照月

欣聞京電榮晉崇階建大樹之奇勛。耀威稜於遐裔。惟茲懋賞。以待有功。遙企鴻猶用申燕賀。

電賀南昌某督兼省長

頃奉寒電。敬悉兼攝省符。本南國之屏藩。作西江之霖雨。老旌引領。燕賀抒忱。

電謝某○

來函敬悉。敝軍過境。諸承招待。供其困乏。至渥至周。每念高情。低徊未已。持電致謝。并頌日祉。

電福州省防司令部李旅長

時在延平護使任內代

○密泌電悉。去歲轉戰來閩。辛苦共嘗。每念前勞。我心允結。時局未靖。多難方興。譬彼同舟。爰思共濟。值風雨漂搖之會。豈賢勞思去之時。務望共體時艱。勿萌退志。遠猷辰告。諒不忘懷。東望榕垣。曷勝軫結。

電賀各

督軍 省長 年節

欣逢令序。懋集蕃釐。遙企鴻猷。敬申燕賀。

復賀夏節

自賦賦征。辱承寵餞。憶節樓之養醉。又扇市之揚仁。敬維○○卓午延釐。昌辰篤祐。珊枝筆格。篇家推孝穆文章。棉莖官儀。士流重奉禮樂。引啓謠吉。式洽掄私。○忝領閩靈。初經鶉

序。秋澄麥氣。老欣好雨知時。夏溼梅炎。恰值薰風應律。專肅復謝。敬賀節禱。順頌荃祺不具。

代友謝賻

久睽矩度彌殷望遠之情。昨罹護萎渥荷垂慈之恤。隆儀惠然下逮。摧感無以自名。敬惟○  
○第祉增綏。靈祺楛介。遙瞻卿裔。倍愜頌私。○罪孽之餘。爾然待盡。陶逾祥練。攀慕無從。草  
土微生。長感脫驂之賜。雲泥異跡。滋深結轡之情。肅申謝恭。請台安。惟希垂照不具。

寄浙友函

鯉緘互遞。欣動定之嘗聞。虹采遙瞻。卜興居之多祐。卽惟○  
○周屏樹績。崔戟延釐。威稜爭  
天柱之高。日隆心簡。則抱激水壺之裏。月印湖波。祥協節華。頌符豫藻。○薪勞祇益。樛質滋  
慚。一闕琴心。憶漢上題襟之日。十年舟誼。寄浙東飛雨之吟。崑泐布臆。敬頌助祺。諸惟亮照  
不具。

復湘友函

頌誦環章。諸承錦飾。仰節樓之樹望。隔茫澤以牽情。敬維○  
○蕃祉雲蒸。靈猷日燮。契伊衡  
草木四境。風從秉會。左韜鈴三湘。波靖乘圻。指晉隔境。心傾○承乏閩嶠。無裨時局。幸南壘  
之靜謐。持德占豐。仰東壁之光輝。折梅寄遠。專肅奉復。敬頌助祺。諸惟澄照。不宣。



代友謝唁

敬肅者三春寸草傷心東野之詩一束生芻泥首南州之賜慘因失恃辱荷臨喪頌來駢儷之章薦以體毛之品映聖廬而生色比彤管而揚芬凡茲優渥隆儀均感雲天高誼此日推誠錫類已足增泉壤之光他時傳誌銘幽更冀染琳琅之筆專肅鳴謝敬請崇安伏祈  
矜鑒

又

夫子大人鈞座謹肅者頃奉賜書重叨垂唁閱餘生於在疚蒙慈注於無涯循省五中莫名哀感伏諗起居多福勛望增隆眷篤白宮歡騰遐邇○幸積禍嬰慘遭失恃謹奉慈靈安歸故里杯捲空撫莫報春暉偷息居廬悲深罔極見今宅兆已就卜日營阡大事未完瀾深咎戾辛嚴親健適足以上袞仁厯耳專肅鳴謝敬請崇安伏惟矜鑒  
家嚴命筆稱謝

○○同叩

電賀授九獅軍刀

懋賞榮膺上方特錫光生秋水氣肅青霜仗白旄黃鉞之一麾興虛矢彤弓而並重引瞻偉業曷罄懽忱

三國志不爲孫夫人立傳

學不通經不可與論史觀三國志不立孫夫人傳而知承祚之書爲不可及也先主傳稱羣下推爲荊州牧治安權進妹固好穆皇后傳曰先主既定益州而孫夫人還吳亮答法正書曰主公之在公安也北畏曹公之強東憚孫權之逼近則懼孫夫人生變於肘腋之下當斯之時進退狼跋初孫權以妹妻先主妹才捷剛猛有諸兄之風侍婢百餘人皆親執刀侍立先主每入衷心常凜凜志於夫人事之可攷見者如此權之進妹非篤婚姻之誼夫人事帝匪敦夫婦之好剛猛著於闔閭禍變迫於眉睫先主一日不去公安若有累卵之危律以春秋之義宜受將君之戮妃耶耶此不立傳之愴一也禮妻出則義絕故經曰出妻之子爲父後者則爲出母無服記曰庶氏之母死使爲哭於孔氏之廟乎先主入益州吳人知不可復制夫人留不足爲害已且見擯迺決歸吳其歸也絕不復至蜀蜀雖無出之名夫人自蹈出之實矣旣出矣而又傳何也此不立傳之愴二也趙雲別傳曰先主入益州雲領留營司馬此時先主孫夫人以權妹驕豪多將吳吏兵縱橫不法先主以雲殿重必能整齊特任掌內事權聞備西征大遣舟船迎妹而夫人內欲將後主還吳雲與張飛勒兵截江迺得後主還漢晉春秋記先主入益州吳遣迎孫夫人夫人欲將太子歸吳諸葛亮使趙雲勒兵斷

江留太子迺得止夫人在漢有挾兵驕豪之愆去漢有謀劫太子之惡婦道母道蓋兩失之周瑜疏曰宜徒備置吳盛爲窳宮室多其美女玩好以娛其耳目瑜之策欲墮其英雄之志權之策陰肆其挾持之威先主翻然翱翔竟成霸業志傳甘吳二后而不及孫亦以示先主公安暫處不陷吳謀而夫人身處難局不能兩全知堅兄之信而不能釋夫之疑其在漢直寄耳非得行其志者此不立傳之惜三也推此三指義法凜然而靈澤廟祀蠅蟻殉蜀事出無稽無從徵信宜寡昧之士以史志闕文爲惜也禮婦人內夫家外父母家以夫人之才徒見畏於先主而不獲列傳於國史百世以爲婦鑒可也

陽信故事考辦

按前漢書地理志渤海郡注云高帝置莽曰迎河屬幽州師古曰在渤海之濱因以爲名縣二十六二曰陽信舊志云卽富平按富平屬平原郡注云高帝置莽曰河平屬青州舊志又云卽厭次按富平注云侯國莽曰樂安亭應劭曰明帝更名厭次舊志又云卽千乘按千乘郡注云高帝置莽曰建信屬青州應劭曰和帝更名樂安總按渤海郡縣有成平重平及東平舒等名又有安次及千童等名或卽舊志所由誤與必謂今之陽信屬青州則今以九州證漢以十二州證惡乎同也且今猶稱渤海古治而必援平原郡之富平厭次及千乘郡地

以附會之。果何意也。縣名置自漢初。其後有分割無改置。是以足證舊志之誤矣。

按前漢書高惠高后文功臣表。厭次侯爰類。新武定府志陽信縣志探入誤。又陽信夷侯劉揭新志探入是。今按表云高祖十三年爲郎。以典客奪呂祿印。閉殿門止產等。共立皇侯二千戶。元年十一月辛丑封。十四年薨。十五年侯中意嗣。十四年考景六年有罪免。

按前漢書外戚恩澤侯表。富平敬侯張安世。舊志及新舊武定府志俱探入誤。又陽新侯鄭業據孝元傳昭儀傳。及杜鄴傳。並作陽信。惟王嘉傳作陽新。與表合。統按地理志自高祖詔孝平。凡郡國一百三。縣邑千三百一十四。道三十二。侯國二百四十一。無名陽新者。其爲陽信無疑也。再按傳昭儀傳。昭儀哀帝祖母也。父河內溫人蚤卒。母更嫁爲魏郡鄭翁妻。生男惲。昭儀後爲太后。同母弟鄭惲前死。以惲子業爲陽信侯。追尊惲爲陽信節侯。杜鄴傳鄴舉直言對有云。及陽信侯業皆緣私君國。非功義所止。王嘉傳益封賢二千戶。及賜孔鄉侯汝昌侯陽新侯國注。師古曰。傅晏傳商鄭業也。外戚恩澤表。陽新侯鄭業以皇太后同母弟子侯千戶。建元四年八月辛卯封。二年元壽二年坐非正免。

按前漢書地理志。齊地虛危之分壘也。東有蓄川。東萊。琅邪。高密。膠東。南有泰山。城陽。北有千乘。清河以南。勃海之高樂。高城。重合。陽信。西有濟南平原。皆齊分也。舊志有虛危辨。蓋未

考耳。

按前漢書文帝元年冬十月辛亥詔曰。前呂產自置爲相國。呂祿爲上將軍。擅遣將軍灌嬰將兵擊齊。欲代劉氏。嬰留榮陽與諸侯合謀。目誅呂氏。呂產欲爲不善。丞相平與太尉勃等謀奪產等軍。朱虛侯章首先捕斬產。太尉勃身率襄平侯通持節承詔入北軍。典客揭奪呂祿印。其益封太尉勃邑萬戶。賜金五千斤。丞相平將軍嬰。邑各三千戶。金二千斤。朱虛侯章襄平侯通。邑各二千戶。金千斤。封典客揭爲陽信侯。賜金千斤。

九江沱潛雲夢考

禹貢九江孔殷。沱潛既道。雲土夢作乂。九江沱潛雲夢。皆荆之名勝。顧其地每爲說者註釋之誤。後人不無疑焉。九江在岳之巴陵。漢班固以爲在潯陽縣。南東流合大江。不知潯陽乃揚境。何能渾入於荆。况九江之間。沙水相間。十有七道。潯江之地。將無所容。其不足信明甚。山海經洞庭之山。在九江中。水經言九江在長沙下。嶺西北。今岳州巴陵是也。張勃吳錄云。岳之洞庭。卽荆之九江也。曾彥和定之。以九江卽江州亦可以息喙矣。爾雅水自江出爲沱。漢出爲潛。蔡傳於沱則云南郡枝江縣。宋王炎謂枝江縣百里洲。夾江沱二水間。與江分處爲上沱。合處爲下沱。旣與江分爲上沱。其源不出於江可知。與江合爲下沱。其流

入江亦可知。是猶得謂之別出乎。唐孔穎達正義引鄭注華容有夏水首出江尾入河。華容非岳州之華容。爲監利石首二縣地。夏水自荊州江陵東南首受江水。曰中夏口。經監利河陽界入漢。以其冬渴夏流。故名夏水。其實卽古之沱也。潛有二。在安陸潛江縣東。由蘆洲分繞城東南。一通順河入沔陽州境。一南流至拖船埠。禹貢錐指曰。潛者伏也。伏流曰潛。亦作泝。爾雅漢爲潛。蓋指荆言之。則荊州潛水。雖弗若龍門石穴之奇。亦必漢水伏流。從平地湧出者也。在禹時本自伏流湧起。故謂之潛。後世通渠漢川以達雲夢。以資舟楫之利。禹迹遂不可知。程文昌謂凡水出江漢者皆名沱潛。豈通論哉。雲夢有合而一之者。周禮職方荊州澤藪曰雲夢。有析而二之者。左傳定四年楚子涉睢濟江。入雲中。宣四年邲夫人棄子文於夢中。後世釋之者。杜預曰雲夢跨江南北。羅泌以江南爲夢。江北爲雲。易被以南高北下不等。又或謂言雲可該夢。言夢可該雲。紛紛聚訟。迄無定評。沈括筆談。唐太宗得古本尙書。詔從古文改爲雲土夢。其先漢書固以雲夢土爲文。漢書之言雲夢土者。取雲夢地相連也。唐改從雲土夢者。孔氏謂土字在二字之間。史文乘上下也。土音與杜通。毛詩自土沮漆。齊詩作自杜微彼桑土。韓詩作桑杜。焦氏以土會土穀之士。皆作土讀。爲杜土姓杜伯之後。今京山及鍾祥東南境。皆雲夢杜縣地。雲杜卽雲土自枝江而東南。凡松滋。公安。石首。華容等

縣。俱屬雲夢。所謂雲夢方八九百里者也。其江南岸諸澤。則爲江南之夢。卽楚子與鄭伯田於江南之地。要之雲夢北江之地。多可兼稱雲夢。亦可單稱雲。單稱夢。在江南者則止稱夢而已。若雲夢宮雲夢城。隨處皆有。總由後人踵訛襲謬。如先年緣誤解書。易柴桑爲九江。後遂妄據地輿。而指書之九江爲潯陽。其可乎。然則九江沱潛雲夢。考地輿者。當一以蔡傳爲確。

代致前任高等法庭長

入境補陶公之柳。路有新陰。觀風留召伯之棠。民仍沐化。○石渠者宿。○魯殿靈光。地望蔚其清華。人倫資其模楷。自昔烏臺肅政。鷓行早著於功名。卽今丹筆亭疑。燕集尙耽於文史。本經術以施於吏治。在儒林久奉爲丈人。若用讀書。固堪持券。○勉言負擔。竊自度量。聞治裝臨別之言。得其情者哀矜勿喜。本折獄致刑之訓。過乎仁亦慈惠之師。况爲政不在多言。幸他山可以攻錯。因推情之款款。用略布其區區。

電賀各督理午節

欣逢蒲序懋集蕃釐。載企輓旌藉申燕賀。

復賀各省長午節

揚風保艾紀月惟蒲祗賀蕃釐惟希荃察

辭職書 民國十三年冬月

竊某冀北散材。西江末吏。二十年讀書入政。愧甚空疏。數千里橐筆從戎。偶然投止。會緣推轂。謬荷虛襟。駑駘雖奮十駕之勤。鉛刀曾無一割之用。值艱虞之紛沓。屬戎馬之倥偬。雖有弩而怒張。蛇入杯而成影。均邀洞鑒。更示優崇。人孰無心。士伸知己。每思竭盡棉簿之力。以期仰答知遇之隆。乃蒲質經秋。薪勞善病。患因搔癢。痛漸切膚。麥菴進而補益無功。硝附投而尪羸足慮。始也症在皮表。以爲鍼砭一試。勿藥而可瘳。終焉病入膏肓。雖經方劑并施。達之而不及。凡疾於營衛摧損之後。真元耗奪。邪自易憑。凌抑人於肢體委頓之餘。精力虛公。務動虞叢。歷思維再四。焦灼萬分。長此因循。深虞沉劇。爲此懇乞鈞座俯鑒愚忱。開去汀漳道尹及秘書長兼職。俾便回籍就醫。及時調治。以重公務。以起沉疴。○幸甚。

民國甲乙之交。承督理周公命。兼長秘書。疢疾侵循。因以決辭。所擬文件。隨手散去。偶於篋中檢得一二。代作爲多。良不足道。閒時把玩。聊誌前塵而已。丙子九月貫之記



孟子集聯

是爲焉婦也  
無若宋人然

莫之能禦也  
則必取盈焉

鉛山縣署撰聯

人言可畏  
天鑒在茲

五夜灘聲來耳畔  
十區民事在心頭

上饒李真人祠擬聯

花巖松谷仙人宅  
秋鶴春猿刺史祠

(花巖松谷在祠之旁  
託人唐刺史均縣志)

追悼漳州陣亡將士聯(乙丑)

志士不忘在溝壑  
男兒到此是豪雄

又代督理致祭聯  
節概昂藏長留天地英雄氣  
馨香妥郁永奠幽燕子的靈

蒼鶴通地青嶺銷氛義憤貫長虹  
秋入風雲氣蕭瑟  
馬革不還豹皮猶在精誠餘碧血  
影搖星漢淚闌干

挽上游徐司令鏡清(徐湘籍)

遺愛長留延建郡  
雄韜上紹左曾胡

周督理壽聯

淮陰輅路汾陽福  
大樹旌旗細柳軍

漢書集聯

萬事不理問伯始  
五經無雙許叔重

湖口縣署撰聯

眼前皆赤子  
頭上有青天

三義祠擬聯

吳宮花草埋幽徑  
魏國山河半夕陽

吳太夫人八十壽聯(三月)

仙桃一熟三千歲  
瑞甲重開二十春

駢文軌總目例言

初集漢魏六朝人文五卷

二集唐人文七卷

三集宋人文五卷

四集近代人文五卷

駢文凡數變西漢一體其氣昌碩東漢一體其格遺茂魏晉一體則詞積而勢緩其高者意超妙而詞雋永大要猶與古近故劃之爲初集凡五卷

唐人文又一體去古漸遠瑰瑋在詞而氣體逕行矣故劃之爲二集凡七卷

宋又變唐人之格準宣公奏議之體勢雜以詞賦屬對之精能論事儷典清激不支其氣趨於薄其詞不儷於正也故劃之爲三集凡五卷

元明之文無可取則亦不能自成風格故略而不論直至清代康雍之間多尙四傑乾嘉而後更溯六朝兩漢力求淵懿藻韻錯沓蓋思軼宋唐而復古者也故劃之爲四集凡五卷

各朝駢文各有骨幹西漢馮揚尙已東京六朝要以駁難經義之作爲最而張陸徐庾次之近來談此體者反遺最上之品所以繁縟有餘而樸茂不足也唐人號稱四傑燕許以及王綬亦一時之論吾謂正當以宣公奏議爲一代開生面手耳其茂密流轉一洗詞章家浮麗之習若欲追蹤漢魏風軌則韓柳亦其選也舍三公而專尙諸家殆非真賞

宋人駢文又是一體專以四六為尚不雜單行大概脫化宣公而變其面目歐蘇純以氣行半山精刻峻峭除若浮溪歐齋放翁後村諸家遇其至者亦不易企及

清代康雍間止是四傑之體西河迴陵為魁楚若西堂林蕙思綺諸家卑卑不足道乾嘉之際作者雲蔚隨園之才氣雅威之駿茂雅存顯軒以至穀人十數家各有所長以六朝之風藻運漢魏之音節又於唐宋二代開一境界此駢文源流升降之大概也

駢文為用有宜有不宜表賀陳謝質樸易盡儷語為宜若論辯之屬不貴枝葉漢魏而下佳作甚少取之亦嚴

駢文體製代有變遷詞之屬漢晉人為之自為可存嗣後無貴相襲矣古無贈序唐始有之至近代又有壽序如斯之類芻狗已陳便可從汰錦坊新樣又可從增各集標目綱紀不殊條件有異文無定體不可銀丹軌有康莊却嫌側徑也

此書分類約之凡十四省之十曰詔制四集少曰奏疏三集曰奏摺曰論辨曰序跋曰贈序初集三集曰游集序初集三集

曰壽序此類止曰書說四集有曰書啓步曰書啓曰刻石碑銘曰傳狀碑誌初集刻石碑銘偶次在後三集無傳狀碑誌二集四集無傳狀曰雜記三集無曰雜題頭箴銘贊類不全

曰弔誄哀祭曰雜文

駢文軌初集題識

駢文之製始風騷澆然見端緒者李斯逐客書也鄒枚馬揚崛起西京沿及東漢風氣大啓至魏晉為極盛梁陳已降體格遂卑此源流之大致

魏晉人都尚浮華其間攷經究義條律定禮之作文質相宣綽儉中理在駢文中可謂阡陌獨開軌轍爾正者已吾最取

之

墓碑之作以中郎爲則然無愧於諛者亦少矣徐庾集中其體浸靡不復多存

六朝賡啓蔚有盛名究其騫要未難尋討略錄數篇便可隅反浮文費日奚爲乎哉

毛稚黃先翁敘湖海樓儷體文云或謂三古六經氣留醇樸先秦兩漢體並高古面用駢紐半開浮華豈知萬邦九族之語已見諸虺語水溼火燥之句亦載於文言嚙矢權輿引厥端矣至若武靈王之論騎射丞相斯之諫逐客往復徵引排比頗多戰國龍門云何損格此數語不愧駢文嚙引

阮文達四六叢話序云賈生枚叔並繼漢初相如子雲聯鑣西蜀中興以後大雅尤多孟堅季長之倫平子敬通之業綜兩京文賦諸家莫不洞穴經史鑽研六書釀采騰文駢言儷字 又云建安七子才調輩與二祖陳王亦儲盛藻至於三張二陸太冲景純之徒派雖弱於常塗音尚聞夫正始文通希範並具才思彥叔休文肇開晉韻輕重之和擬諸金石短長之節難以咸詔蓋時會使然元晉蓋洩也孝穆振采於江南子山選聲於河北迄於陳隋檣傷靡斂天監大業之間亦斯文升降之會也數行文字亦可爲斯集弁首

駢文軌初集卷一目 漢魏六朝文

詔制

漢景帝後六年令二千石修職詔

武帝元朔元年議不舉孝廉者罪詔

漢元狩二年報李廣詔

後漢光武報臧宮馬武詔

後主策丞相諸葛亮詔

奏疏

李斯諫逐客書

賈山至言

王陽諫昌邑王疏

鄒陽獄中上書自明

中山靖王開樂對

司馬相如上書諫獵

劉向上英異封事 訟陳湯疏

匡衡上政治得失疏

楊雄諫不受單于朝

吾邱籍禁民挾弓弩對

侯應罷邊議

諸葛亮出師表

曹植求自試表 求通親親表

虞翻立易注疏 正尚書解疏

羊祜讓開府表

李密陳情表

裴處亂舉陶議 師服議

庾亮讓中書表

賀循兄弟不相為後議

潘岳上客舍議

何承天尹嘉罪議

王儉南郡王冠議 穆妃小祥不應相待議

周朗謚言書

傅季友為宋公至洛陽五陵表

孔凱鑄錢均貨議

楊遵穆鑄錢議

江總持爲六宮謝表、又陳六宮謝表

附見

蜀漢先主成都即位告天文

右朝廷告祭

郗詵賢良對策

右臣下對策

駢文軌初集卷二目

論議

賈誼過秦論

班彪王命論

崔寔政論

稽康養生論

陸機辨亡論 上下二篇

潘尼安身論

干寶晉紀總論

劉峻辨命論 廣絕交論

習鑿齒上漢晉論

序跋

劉向戰國策叙

許慎說文解字叙

王逸楚辭章句叙

趙岐孟子篇叙

傅玄馬先生序

管辰管輅序

庾子慎書品叙

陸機豪士賦序

郭璞山海經序

裴秀地域圖序

王羲之蘭亭集序

任昉王文憲集序

張思光門律自序

廬山道人游石門詩序

阮孝緒七錄序

劉昭注補續漢書八志序

徐陵玉臺新詠集序

舊統文選序

劉勰文心雕龍序

何之元梁典序

駢文軌初集卷三日

書說

司馬遷報任安書

鄒陽上吳王書

枚叔上書吳王

楊惲報孫會宗書

王生與蓋寬饒書

劉向移讓太常博士書

鄭朋奏記蕭望之

臧洪答陳琳書

孔融與曹操論盛孝章書

魏文帝與吳質書

魏太子書

曹植與楊德祖書

楊修答臨淄王牋

王昶戒子書

王羲之遺殷浩書 二首

與會稽王牋

與吏部郎謝萬書

又與謝萬書

劉琨答盧諶書

周朗報羊希書

與楊修書

徐邈與范甯書

陸厥與沈約書

沈約答陸厥論聲韻書

張充與王儉書

范曄獄中與諸甥姪書

習鑿齒與桓秘書書

邱遲與陳伯之書

鮑照登大雲岸與妹書

徐陵在北齊與楊僕射書

為貞陽侯重與王太尉書

駢文軌初集卷四目

傳狀

蔡邕為陳留王上孝子狀

任昉齊竟陵文宣王行狀

碑誌

陳情書與徐勉

蔡邕楊公碑 司空文烈侯楊公碑 太尉楊公碑

陳太邱碑 郭有道碑 貞節先生范史雲碑

庾信吳明徹墓誌銘

刻石

李斯嶧山刻石 太山刻石 琅琊刻石之罘刻石

雜碑記

漢修西嶽廟記

王巾頭陀寺碑

徐陵司空徐州刺史侯安都德政碑

雜闕頌銘箴贊

王褒聖主得賢臣頌

司馬相如封禪文 雞蜀父老

楊雄趙充國頌 州箴二首 酒箴

班固典引

修軍白麟奇木對



崔彌官箴 三首

張華女史箴

張協劔閣銘

劉伶酒德頌

袁宏三國名臣贊

崔瑗座右銘

孫綽聘士徐君墓頌

弔詠哀祭

潘岳哀永逝文

顏延年陶徵士誄

蜀漢先主成都卽位告天文

王僧達祭顏光祿文

劉令嫻祭夫徐排文

駢文軌初集卷五目

雜文

枚乘七發

淮南小山招隱

東方朔客難

司馬相如喻巴蜀檄

楊雄反騷 解嘲 解難

陳琳爲袁紹檄豫州

曹植釋愁文

孔稚圭北山移文

郭璞客傲

衛恒四書體勢 四篇

張協七命

陶潛歸去來辭

附見

鮑照石帆銘 葉盛銘

庾信之闕扇銘

庾信東宮行雨山銘 至仁山銘 望美人山銘

駢文軌二集題論

唐代駢文四傑寬博條豐亦多臆言燕許駢語遺俊却嫌鋪叙太白清逸至溪綿麗均爲一代名家而吾獨以韓柳爲可繼非兩漢六朝之緒排諸人所不得也

一變兩漢六朝之體自開康莊反成超卓者陸宣公奏議也今拔其尤者以資楷模 宣公僕茂湖漢京面流動開趙宋至其敘畫周密氣象敦實則又不可第求之詞章之間吾聞謂唐人駢文變古得正獨開生面者宣公也追躡古轍不失爲豪傑者韓柳也其餘名家各樹一幟可已

宣公韓柳外李太尉亦一作手吾以爲猶在燕許之上所撰各制致勁氣英光勃發紙上想見經國手段

至溪生綿麗溫雅固是才人吐屬亦此體當行者惟胸襟氣魄與前數公有間耳

杜牧亦有奇氣但不多

唐代開國如李衛公尉遲公便入龍門手敘述職功精采炳燦可以照耀千古惜乎許敬宗之流枝詞陸氣不足動人然此好存其梗概此以入存文也魏鄭公李密諒叙其末路歸唐之咎僕嗚嗚又復得體此却是存文非存人餘可例推中興以後如宋文貞顏忠烈郭忠武諸公皆是以入存文餘如李晟紀功碑之類亦可類推

孔穎達五經正義序賈公彥禮經序陸元明經典釋文序等類皆有益經學劉知幾史通敘錄顏師古漢書註叙等類皆有益史學均爲此體不可少之文

唐人判體雖小品却有端精緻者張鷟龍筋鳳髓判乃至獨為一集其間題目亦多審宋未易施手南宋四六工于隸事者大半從此脫胎

駢文軌二集卷一目

詔書

高祖改元大赦詔 令國子學立周公孔子廟詔 禪位皇太子詔

太宗置宏文館學士 薦舉賢能詔 修晉書詔 魏寶建德書

元宗令孝經參用諸儒解易經書帖子夏易傳詔 令孝並行孔鄒帖易帖子夏傳詔 追證孔子十哲並升仲子

四科詔

德宗奉天改元大赦詔 奉天遣使宣慰諸道詔 文宗賜田勸唱沒斯等詔 賜劉沔張仲武等詔 賜張仲武

詔以上字體皆行

制

馬逢禛戒副元帥招討河中制皆實行下同

李晟鳳翔隴西節度使兼涇原副元帥制

崔羣除戶部侍郎制皆實行

授牛元翼深冀等州節度制元槓行

討露路制李德裕行下同

授張仲武東西招討使制

討回紇制

賜吐蕃維州悉怛謀制

敕書

賜太和公主敕書李德裕行下同

賜回鶻書

賜回鶻可汗書

批答

文宗答裴度辭官表批 又答第三表批

武宗答李德裕讓太尉第二表批 又第三表批

附見

高祖即位告天册文 右朝廷告祭

策問賢良方正直言極諫科 魏晉下同

策問博通墳典達於教化科

策問靈洞籍路堪任將帥科

右策問

駢文軌二集卷二目唐代人文

奏疏一

長孫无忌進五經正義表

李延壽上南北史表

劉昫上文苑表

魏徵十漸疏 十思疏論刑賞疏 論君子小人疏

李善進文選表

褚亮聖製司空魏徵挽歌詞表

柳沖請修譜牒表

吳兢上貞觀政要表

秋仁傑諫造大像疏

李嶠為納言姚珣等謝敕賜飛白表 諡魯卒侍郎表

自叙表

崔融諫稅關市疏

張九齡進千秋金鑑表

楊綰條奏貢舉表 上貢舉條目疏

高適請罷東川節度使疏

李翰請立張巡中丞傳疏

郭子儀讓加尚書表 又第二表 請軍駕還京奏 顏真卿同州刺史謝上表 蒲州刺史謝上表

陸贄論兩河及淮西利害狀 論叙遷幸之由狀 奉天論奏當今所切務狀 奉天論前所答奏施行狀

奉天請數對羣臣狀 奉天論教書事條狀 論緣邊守備事宜狀

韓愈賀皇帝即位表，賀册皇太后表 袁州刺史謝上表 進撰平淮西碑文表 爲宰相公讓官表 爲宰相

公讓官表 賀雨表 賀慶雲表

柳宗元獻平淮夷雅表 爲王京兆賀雨表 爲表中丞賀破東平表 爲武中丞謝賜櫻桃表 爲南承嗣上中

書門下乞兩河效用狀

駢文軌二集卷三目近代人文、

奏疏二

杜佑上通典表

劉禹錫進州賀赦表 爲杜司徒讓淮南立去思碑表 謝授分司表 爲淮南杜相公請起行營表

白居易中和日謝恩賜尺狀 讓絹狀論魏徵舊宅狀 令狐楚河陽節度使謝上表 代李僕射謝子恩賜狀

李商隱代彭陽公遺表 爲濮陽公陳情狀 爲濮陽公謝皇太子表 代僕射濮陽公遺表 代安平公遺表

杜牧賀平黨項表 進撰故江西韋大夫遺愛碑文表 代表相公謝告身鞍馬表

皮日休請孟子爲學科書 請韓文公配授太學書 羅隱代武肅王錢鏐謝賜鐵券表

釋元奘進西域表

附見

駱賓王兵部奏姚州破賊設聖儉等露布

以上露布

張昌齡對刑獄用舍策

張九齡對道倖伊呂科策

李令琛對書史百家策

以上對策

論議

朱敬則論議陳後主

張東之駁王元感喪服議

李百藥封建論

趙匡選舉議 選舉後論

劉子元孝經老子注易傳議

權德輿兩漢辨亡論

李德裕文章論 退身論

駢文軌二集卷四目唐人文

序跋

孔穎達易正義序 尚書正義序 毛詩正義序 禮記正義序 春秋正義序

賈公彥周禮正義序 儀禮注疏序

歐陽詢藝文類聚序

長孫无忌律疏議序

魏徵羣書治要序序

虞熙麟樂府雜詩序

楊炯王勃集序

韋承慶箋注廣韻序

陸元朗經義釋文序

顏師古漢書注序

孫思邈千金要方序 千金翼方序

孫愐唐韻序

王維薦福寺光師房花藥詩序

毋斐四部經籍序略

梁肅鄴侯文集序

司馬貞補史記序

張守節史記正義序

李華登頭陀寺東楹詩序

芮挺章國秀集序

元結中集序

張說洛州司馬集序

劉子元史通叙錄 自叙

權德輿陸宣六文集序

楊嗣復丞相權文公集序

顏况監察御史儲公集序

李翰通典序

李商隱樊南甲集序 樊南乙集序

司空圖擽英集述

韓偓香奩自序

韋莊又元集序

贈序

陳子昂送吉州杜司戶審言序

王勃送勃赴太學序 送白七序

楊炯泰官尋楊隱居宅序

駱賓王贈李八騎曹詩序

王維送高判官從軍赴河西序

張九齡景龍觀山亭集送冠縣高贊府序 饒宋司馬協



李白早春江夏送蔡十還家雲夢序 莫春於江夏送祖監丞之東都序

獨孤及送李白之曹南序 送長洲劉少府貶南巴使牒留洪都州序

陶翰送王侍御赴劍南序 送李參軍水連序 送田八落第東歸序

任華送宗判官歸滑臺序

韓愈送李愿歸盤谷序

劉長卿仲秋奉饒道郎中使君赴潤州序

游集序

王勃上巳浮江宴序 夏日宴張二亭林序 秋晚入洛於畢公宅宴別送王宴序 字文德陽宅秋夜山亭宴前

秋日登督府滕王閣餞別序

于邵游李校書花廳園序

宋之問奉敕從太平公主游九龍潭宴別宴平王序

李春夜令狐正字田子過敝廬序

李白春夜宴桃花園序

駢文軌二集卷五目 歷代人文

書啓

王績答刺史杜松之書 答馮子華處士書

杜之松答王績書

王勃上崔舅侍郎書 爲人與蜀城父老書 又與蜀城父老第二書

駱賓王與博昌父老書 和學士問情詩啓

李嶠與夏縣崔少府書

宋之問在桂州與修史學士吳兢書

王維山中與裴題秀才書

李白上安州李長史書

劉子元上葛志忠論史書 答鄭惟忠論史才

獨孤及答楊褒處士書

蕭穎士答李清河書

韓愈上兵部李侍郎書 上襄陽于相公書

柳宗元寄許京兆孟容書 上權德輿補闕溫卷書 謝劉李夷簡尚書撫問啓 謝吉甫示手札啓 爲裴中丞

伐黃賊傳牒

劉禹錫答饒州元使君書 謝僕射李相公啓 謝裴相公啓 謝竇相公啓

李德裕代李石與劉楨書 與姚陳議合書

李商隱上李尚書狀 為榮陽公賀幽州張相公啓 上華州周侍郎狀 為榮公賀太尉王司徒啓 為榮陽公

賀韋相公加禮部尚書啓 為榮陽公與前浙東楊大夫啓 為河東公謝相國京兆公第二啓 為崔從事寄

尚書彭城公啓 獻侍郎鉅鹿公啓 為絳郡公上史館李相公啓 為舉人上翰林蕭侍郎啓 為舉人獻韓

郎中琮啓 上河東公啓 上尚書范陽公第二啓 獻舍人河東公啓

杜牧上吏部高尚書啓 答莊充書

段成式寄溫飛卿蒟蘆管筆往復書

顧雲投翰林劉學士書 上投顧端二啓 上鹽鐵路網判官啓

羅衮謝江陵借宅啓

羅隱投禮部鄭員外啓 謝刑部葛郎中啓 謝江都鄭長官啓 投前夏口韋尚書啓 投永甯李相公啓 謝

崔舍人啓 投秘監韋尚書啓 河中辭令狐相公啓 謝湖南于常侍啓 辭宣武鄭尚書啓

刻石碑 太宗晉祠碑銘

高宗萬年宮碑銘

德宗贈太尉段秀實紀功碑 西平王李晟東渭橋紀功碑

史承節鄭康成祠碑

張渭虞帝廟碑銘

韓愈平淮西碑 魏博節度觀察使沂國公先廟碑銘 南海神廟碑 柳州羅池廟碑

柳宗元唐故特進南府君唯陽廟碑

顧雲武烈公廟碑

陸龜蒙野廟碑

徐鉉蔣莊武帝新廟碑銘

駢文軌二集卷六目歷代人文

墓碑誌銘

魏徵唐故邢國公李密墓誌銘

許敬宗唐并州都督鄂國公尉遲公碑

楊炯天周明威將軍梁公神道碑

李華元魯山碑碣

張說贈涼州都督上柱國公太原郡開國公郭君碑奉教撰 故開府儀同三司上柱國贈揚州刺史大都督梁國

公姚文貞公神道碑奉教撰 徐氏子華墓誌銘

張九齡故開府儀同三司行尚書左丞相燕國公贈太師張公墓誌銘 後漢徵君徐君墓誌  
顏真卿臨淮武穆王王李公神道碑銘 有唐開府儀同三司尚書右丞相上柱國贈太師廣平文貞宋公神道碑

銘 唐故太師廣平文貞公宋公神道碑側記

令狐岵顏魯公墓誌銘

雜記

逢奚珣游濟續記

竇公衡石門山瀑布記

元結九疑山圖記

張九齡開大庾嶺路記

白居易冷泉亭記 草堂記

劉禹錫國學修五經壁記 機汲記

占溫甌州三堂記

歐陽詹太學張博士講禮記記

權德輿洪州西山風雨池記

李德裕懷松樓記 平泉山居誠子孫記

徐鉉毘陵郡公南原亭館記

駢文軌二集卷七自唐人文

頌

元結太唐中興頌并序

張說廣州都督嶺南按察五府經略宋公遺愛碑頌并序

獨孤及少傅楊公道遺愛碑頌并序

孫逖唐故幽州都督河北節度使燕國文貞張公道遺愛碑頌并序

韓愈子產不毀鄆校頌

贊

韓愈後漢三賢贊

呂溫藥師如來像贊

箴

元結自箴

韓愈五箴

歐陽詹暗室箴

銘

元結涪溪銘并序 唐順銘并序 盧澄銘并序

柳宗元武岡銘并序

獨孤及仙掌銘并序

劉禹錫陋室銘

白居易續座右銘并序

李裕劍門銘

弔詠哀祭

王績祭杜康新廟文

李華弔古戰場文 祭劉評事兄文

韓愈獨孤中叔哀詞 祭田橫墓文 祭柳州柳使君文 祭柳子厚文 祭河南張員外文 祭侯主簿文 祭

馬僕射文 祭鄭夫人文

柳宗元弔屈原文 祭呂衡州溫文

劉禹錫祭吏部文 祭柳員外文 重祭柳員外文 爲鄂州李大夫祭柳員外文

李商隱奠相國令狐公文

判

張容不伏徵銅判 不伏漏視機密判 不伏奏狀錯判 不伏知教書有誤不改判 張奈不伏解未陽縣令判

嚴音田順互訴判 百姓訴州不許折半相判 胡敏言內外官祿判 韋珍奏諸州道信脫蓋了口判 論貢

舉折中處分判 宜請追奪妄得判 功過相掩判 姪男襲爵庶子告不合承判 呂建請整未察進考判

田海請加突魯長城判 杜紹不伏御史彈判 梁豎不載賊判 尹勤奏學生多無經業判 御史彈非問與

造判 錫鼓訴屈判 太常奏祭天事大不宜降禮 山巨源請十選並放判 郎中飲酒失檢 受文書納隋

錢判

白居易景功曹不當按罪判 杜隋聖水判 畜奴婢過制判 為將每軍休止不聽營判 凌殿夫判 取用物

過本數 行成可移於官判

張景明對無鬼論判

鄭績對無鬼論判

闕名對故紙判

崔融就書穿牀判

雜文

狄仁傑檄告兩楚詔王文



駱賓王代李敬業討武氏檄

姚崇執鏡識

習愈進學解 送窮文 詠風伯 復志 閱已

柳宗元普問 乞巧文 斬曲几文 憎孫文 招海賈文

李華言陪

皇甫湜論業

駢文軌三集題識

宋人駢文彭文勤公所選專以四六為經者不雜散句其體卑而近俗矣高者為之排偶中寓散行之勢亦復跌宕昭彰  
澆澆頓挫然止可施于表啓公牘若碑版大文字則不任矣吾病彭選之無序記碑誌諸文是為體不能備因搜采若干  
篇為一卷以補之乃知宋初楊億陳彭年諸公猶是燕許一派六一半山眉山諸公猶是韓柳一派降至南宋斯專四六  
一體附

北宋駢文坡公最勝諸謝表排側綿連動人心脾蓋沈師古籍緯以性真其源不從駢文出也 六一之駢婉半山之精  
鏡忘為極體無異散行皆此體之卓傑也

南宋以降浮溪稱最誠齋放翁容齋後村諸家亦為擅場其餘數公如李劉方岳各有名篇都為采摭以盡一朝之勝  
弊說哉宋人讀書每摘經史佳語貯之錦囊以儲臨文驅使之用故有得心應手神妙天然不可湊泊之處此亦自來作

文者所有事不徒爲四六然也今於選之未能盡者亦間摘其警語一二聯各人文篇之後碎金片玉未失爲珍也  
有可以四六名其文未經入選者如黃勉齋集內警語甚多如謝兩浙漕司送錢啓云廣廈千萬間幸殿歡顏之庇良途  
九折坂甘爲叱馭之驅謝撫州陳守應啓云竊以富貴者人所欲羞惡者義之謙乞其餘者無異播間望而問焉何殊並  
斷欲求投足舉手之力必爲脅肩諂笑之容又云嘗將求老農老圃之師誰敢望大官大邑之庇又云豈意不穩手之藥  
與夫扣牛角而歌雖曰無心亦徒知己謝江西章提舉薦啓云近水樓臺最先得月窮冬草木頓覺回春通江東柴漕啓  
云理義不明人心爲之陷溺英賢間出世道賴以扶持特僞學以方嚴名他師者皆是此指朱子門下  
遂爲禁書之少以上諸聯皆愛誦之  
故附記于此

駢文軌三集卷一目宋代人文

詔

太祖登極敕詔 江南平下詔

仁宗舉遺逸詔

哲宗賜范鎮獎諭詔

隆祐皇后告天下詔

高宗幸明州敕詔 復位敕詔 親征詔

孝宗撫諭四川軍民詔

止 庶 雜 錄

理宗罪己詔

制

趙普除門下侍郎同中書門下平章事集賢殿大學士制

韓琦除守司徒兼鎮安武勝軍節度使制

富弼除使相判河南府兼西京留守仍賜功臣制

王安石依前官同平章事昭文館大學士制

文彥博除平章軍國重事制

呂公著加司空同平章軍國事制

呂大防守尚書左僕射兼門下侍郎加上柱國食邑實封制

王安石贈太傅制

文彥博除太師河東節度使致仕制

蔡鎮賁授光祿卿分司南京制

蔡京賁授崇信軍節度副使德安府安置制

李綱除尚書左僕射兼門下侍郎御營使制

王倫改朝章郎充大金通問使制

張邦昌授昭化軍節度副使澤州安置制

朱壽念罷議大夫送御史臺根勘制

杜充授觀文殿大學士提舉江州太平觀制

韓世忠檢校少師兩鎮節度使制

張俊罷樞密使制

韓世忠降兩鎮節度使制

秦檜罷右丞相制

持服前特進觀文閣大學士張浚與宮觀依舊永州居住制

湯思退罷左相制

虞允文端明殿學士同簽樞密院制

岳飛追復原官改葬錄用其後制

追封岳王制

劉懋加食邑實封制

秦檜降爵易諡制

魏了翁追封浙江縣開國男加食邑制

姚希得除沿江制置使知建康府江東安撫使行營留守制  
文天祥右丞相樞密使都督諸路軍馬制

敕

御史中丞劉黻侍讀敕

沿路賜奉安紳宗御容禮儀使呂大防銀合答藥敕

賜朝議大夫試戶部尚書李當乞除批沿邊一州不允敕

褒諭

宗澤奏請鑿輿復還京師前後數十章褒諭

批答

賜文武百寮太師文彥博以下上第一表請舉樂不許批答 又第二次批答

賜太師文彥博上第一表乞致仕不允批答 又斷來答批答 又第二次批答

賜宰相呂公著上第二表乞仕不許斷來章批答 又第二次批答

表奏

趙普諫伐燕表

富弼辭起復表

王禹偁賀聖駕還京表 單州謝上表 黃州謝上表

宋祁謝除安撫表 謝加端明表 謝賜衣襖表

韓琦謝除使相判相州表 判永興軍謝表

司馬光追稱古錄表 知永興軍謝表

歐陽修謝知制誥表 進新修唐書表 謝賜漢書表 揚州謝表 滁州謝表 再辭侍讀學士表 謝復龍圖閣直學士表 南京留守謝上表 謝宣召入翰林表 亳州謝上表 亳州乞致仕表 謝擅止散青苗錢放

罪表 蔡州乞致仕第二表 又第三表

駢文軌三集卷二目宋代人文

表表二

曾鞏賀明堂禮成肆教表

王安石除參知政事謝表 除平章事監修國史謝表 觀文殿學士知江甯府謝表 除平章事昭文館大學士

謝表 辭免使相判江甯府謝表 除知制誥謝表 進字說表 賀誕皇子表 百寮賀復離河路表 除勞

正言待制謝表 朱熹傳旨令視府事謝表 差弗安上傳旨令授救命不須辭免謝表 賀正表 賜生日禮

物謝表 乞罷政事表二首 李舜舉賜詔書藥物謝表 中使撫問謝表 中使宣醫謝表 手詔令視事謝

表 乞退表二首 乞宮觀表三首 乞出表二首 遷入東府賜御筵謝表

蘇軾乞校正陸贄奏議上進劄子 密州謝上表 徐州謝上表 徐州謝獎諭表 徐州賀河平表 謝徐州失  
登 妖賊赦罪表 湖州謝上表 到黃州謝表 穎州謝到任表第二首 到惠州謝表 到昌化軍謝表  
提舉 局觀謝表 謝量移汝州表 乞常州居位表 登州謝上表 杭州謝上表第二首 杭州謝放罪表  
謝中書舍人表 謝兼侍讀表二首 謝宣召入院狀二首 謝三伏早出院表 謝賜御書詩表 謝賜對  
衣金帶鞍馬表二首 謝賜衣襖  
蘇轍謝除中書舍人表 分司南京到筠州謝表  
劉敞謝加學士表  
劉敞知襄州謝表 知亳州謝表 爲宰賀擒鬼章表 知蔡州謝表 賀平西南夷表  
黃庭堅謝黔州安置表  
元絳知越州謝上表  
晁補之請皇帝御正殿表 謝謫兗州通判表  
劉侖平鬼章賀太皇太后表  
秦觀賀元會表  
劉贊辭免左僕射表  
陳瓘通州自使謝表

張舜民謝諫議大夫表

李綱辭免知樞密院表 謝免荆湖南路安撫大使兼知潭州依舊宮祠表 謝除尚書右僕射表

胡安國謝許侍養表

胡寅進先文定公文集表

洪邁謝侍講兼修國史表 國史院進三朝正史帝紀表 進唐詩絕句蒙恩賜禮物謝表

洪适謝中書舍人表 代宰相賀元思雪表

張守謝紹興府行宮賜木府充治所表

張栻謝太師加贈表

汪藻謝除兵部侍郎表 代劉相謝給展省先塋表 謝放罪表 正旦遙賀太上皇表 車駕親征起居表

楊萬里知筠州謝表 謝男長孺遇恩封叙表 廣東提舉謝到任表 辭免贛州得祠進職謝表 謝明堂大禮

進對開國伯合邑表 代宰相賀雪表

陸游江西到任謝表 福建到任謝表

周必大謝賜銀合臘藥表 謝復太傅表

黃疇若賀雪表

岳飛賀和議成表



方岳辭起復知州表 督視辭免樞副表

胡銓遺表

真德秀進大學衍義表 江東漕到任表 再知泉州謝表 知福州謝表

魏了翁漳州路安撫到任表

劉克莊除廣東進判謝到任表 袁州到任謝表 謝賜夏藥表

駢文航三集卷三目錄代人文

論議

劉敞貢舉議

孔文仲唐太宗論

序

陶穀張仲荀抄高僧傳序

劉敞後漢書精要序 公是先生集序

王象之輿地紀勝序

鄭樵通志序

馬瑞臨通考序

李易安金石錄後序

書啓

宋祁定州到任上兩府啓 賀呂相公兼樞密啓 賀呂待制啓

歐陽修謝校勘啓 留謝隨州錢相公啓 謝石秀才啓

王安石賀韓魏公啓 賀致政楊侍讀啓 賀趙致政啓

夏竦免章使啓

蘇問謝相公啓

蘇軾謝館職啓 謝王內翰啓 賀韓丞相啓 賀韓丞相再入啓 賀歐陽少致仕啓 賀大資少保致仕啓

徐州謝兩府啓 登州謝兩府啓 定州到任謝本路監司啓 謝中書舍人啓 杭州謝執政啓 潁州到任

謝執政啓 謝賈朝奉啓 謝惠生口詩啓 答彭賀州啓 答丁連州朝奉啓 答王承議啓 答王幼安宣

德啓

蘇轍除中書舍人謝執政啓 賀文太師致仕啓

秦觀賀呂相公啓 留謝程公關啓 謝館職啓

晁補之降秩叙事謝中書啓 脫賈叙事謝帥臣啓

賀李祥改宣德啓

駢文軌三集卷四目宋人文

書啓二

楊萬里除免贛州祠初進職謝宰相啓 廣東提舉到任謝丞相啓 除吏部郎官謝宰相啓 賀余丞相得祠祿

啓 賀張丞相除副都督啓 賀周子充察院啓 賀黃侍御啓 賀周丞相遷入府第啓 回新韓安府啓

洪咨夔賀李參政啓 賀蔡侍郎升侍讀啓 賀王秘監除宗卿啓

任竇言賀張樞密被召啓

方雲翼賀秦相啓

王邁賀陳提刑兼安撫啓 賀鄭樞密啓 賀曾憲啓

王子俊代賀留右相啓 賀少傅周益公致仕啓

汪應辰賀張樞密啓

陳傅良賀洪內翰啓 賀唐守啓

李劉上史丞相啓 謝漢帥楊尚書薦舉啓 上會樞密 謝會中書舍人啓 賀陳簽書除參政兼同知啓 賀

尚書李制置啓 除成都漕謝丞相啓 賀董司監啓 賀聶宮教啓 賀衛參政除江西帥啓 賀丞相明堂

慶壽并册皇后禮成平淮寇奏捷啓 賀黃侍御惠生日詩啓 通甯鄉李尉啓 代回林御帶啓

汪藻賀李左丞啓 徽州到任謝丞相啓 除授謝舍人啓

陸游除寶謨閣待制謝丞相啓 知嚴州謝王丞相啓 福建謝史丞相啓 謝梁右相啓 謝葛給事啓

謝周書使啓 二首 謝王宣撫啓 賀禮部鄭侍郎啓 賀蔣尙書帥婺州啓

方岳兩易邵武軍謝爾堂啓 除兵部架閣制幹謝丞相啓

岳珂與吳畏良啓

滕康謝辟醴醕厓啓

胡銓叙復謝丞相啓

孫觀叙復謝沈相啓 叙復謝中丞啓 叙復謝樞密啓

劉克莊謝余中書學自代啓 謝洪中書學自代啓 謝傅侍郎舉著述啓 除將作監謝丞相啓 除將作監直

文華閣謝丞相啓 賀劉察院啓 除江東憲謝丞相啓 除成都漕謝丞相啓 賀尙書李制置啓 賀傅侍

郎挂冠啓 除玉局觀謝二相啓

薛元鼎上湯相陳情啓

真德秀賀鄭丞相啓 謝賀生日啓

文天祥賀趙侍郎啓 謝陳尙書宜中啓 謝江樞密萬里啓 賀江丞相除湖南安撫大使判潭州啓 謝諸郡

送年酒啓

謝枋得賀宗臣元正啓

王炎午贊謝巖山啓

駢文軌三集卷五目宋代人文

記碑

盧多遜奉敕撰新修周武王廟碑

李瑩奉敕撰新修唐太宗廟碑銘

呂蒙正奉敕撰兗州文宣王廟

楊億奉敕撰天元殿碑

陳彭年奉敕撰北嶽安天元聖帝碑銘

韓琦重修北嶽廟記

李迺鄂州重修北榭記

雜興頌箴銘贊

歐陽修會聖宮頌

劉敞王賢贊 西漢三名儒贊

漢右將軍辛慶忌贊

孔武仲蕭何收秦閣簫贊

謝安銘

弔諫哀祭

歐陽祭資政范公文

祭尹師魯文

祭梅聖俞文

祭石曼卿文

祭丁學士文

王安石祭周幾道文 祭高師雄文 祭丁元珍學士文 祭歐陽文忠公文 祭東向原文 祭王回深甫文

劉敞弔二岳文 祭江休復文

孔平仲祭周茂叔文 祭范祖述文

雜文

劉敞遜伯強文 屈原椒詞

蘇軾白鶴新居上梁文

黃庭堅靖武門上梁文

孫觀馬迹上梁文 西徐上梁文

洪邁花信亭上梁文 容膝齋上梁文 聚靈齋上梁文

辛幼安新居上梁文

方岳秋厓新居上梁文

文天祥山中堂屋上梁文

任淵宴忠州交代風語

洪邁翰苑新書

駢文軌四集卷一題識

清初駢文盛行尤西堂一派最爲俗體以後又行吳園次章豈績一派則尤卑陋宗風之振乃在乾隆中胡稚威袁子才一輩擺脫凡近馳聘才氣上企黃初茲足貴也嘉道以來又獻才雞采意新味腹自孔驥軒洪稚存以及吳穀人諸家各具勝場足供覽攝

自是而後劉孟涂著意跳盪語已平近方彥聞殫心質稜氣未飛揚揆之前賢微學不說惟陳伯游梅伯言起心練治未值前規梅存不多陳集未刻茲錄數篇可當管鼎

乾隆中供奉文學彭文勤獨成一體止用宋人四六格式而腹笥充裕意緒精到時而頌不忘規時而奇寓於偶閣帖石經之類運考證於舖張邱炎緩征諸篇寄疾苦於陳謝斯爲作手豈是小言其門下繼武者則有劉金門瑰麗相倫沈厚差遜矣此體通用而有珪璋之品非寒儉所能故錄之略修紀文遂進四庫全書提要表及平兩金川繹布皆煌煌大文比於燕許

陳伯游書後數篇不陌不阡蹊徑迥異亦此體中孫樵劉蛻也  
駢文軌四集卷一目清代人文

表摺

胡天游擬進一統志表

袁枚爲尹太保賀平伊犁表 爲莊撫軍賀平伊犁表

紀昀進四庫全書提要表

彭元瑞謝重葺鹿常館御書賜額摺子 賀士爾扈特歸順摺子 賜鐘山書院欽定重刻純化閣帖代謝摺附謝  
賜獎諭並研墨貂裘摺子 謝賜職貢摺子 謝賜補刻蘭亭圓帖摺子 謝賜儲貳金鑑摺子 謝賜御臨  
宋李迪雞雛待伺圖帖摺子 謝御筆太常仙蝶摺子 謝賜論語集解義疏摺子 謝命充右經總裁摺子  
謝撫江西十二縣備災摺子 謝恩旨普免錢糧摺子 謝恩旨普免積欠摺子 謝頒刊味餘書室全集摺子  
謝撫江西四縣備災摺子 江西十一府屬旱災緩征錢糧謝恩摺子 謝賜河源紀略摺子  
劉鳳誥恩恤江西吳尉劉綬錢糧恭謝摺 二首 進嘉慶四年起居注表 高宗實錄聖訓告成恭進表

附見

紀昀平定兩金川露布

論

吳錫麒李泌論 岳飛論

陳方海萬石君論 小道論

駢文軌四集卷二目

序

陸圻吳漢槎雜體詩序

毛先舒湖海樓體文序



陳維崧劉沛元詩古文序

胡天游遜國名臣贊序

黃之雋香屑集序

洪亮吉八月十五日夜汎舟白雲溪詩序 南華九老會倡和詩序

凌廷堪西魏書序

顧廣圻開方補記後序

汪中自序

楊芳燦秋林集序

楊揆荆圃唱和詩序

趙懷玉甌北詩鈔序

顧敏恒真率齋初稿序

吳錫麒謝蘿山前輩詠史詩序 楊谷田觀耕圖序 張水屋細雨騎驢入劍門圖序 黃葉唱和詩序 南宋畫

本題詞

王芑孫詹駉飛獨爾詩序

沈清瑞讀賦扈言序

孔廣森藏氏遺書序 王氏摺治序 張舍人熱河集序

朱文翰倉部集序 儀鄭堂遺書序

阮元四六叢話序

吳鼎八家四六文鈔序 題襟館聯句詩後序

劉鳳詒溫江外紀序

跋

孫星衍關中金石紀跋

彭元瑞書進御書題蘭亭八柱帖詩文恭跋 書進御製雨雪陰晴詩恭跋御製里排石鼓詩文恭跋

陳方海韓文公集書後 歐陽文忠公集書後

贈序

洪亮吉送汪劍潭南歸序

劉開再贈鄒夢白刺史序

游集序

阮元蘭亭秋禊序

梅曾亮江亭展禊序

壽序

吳錫麒袁簡齋前輩八十壽序

梅曾亮姚姬傳先生八十壽序

駢文軌四集卷三目今代人文

書啓

毛奇齡復沈九康臣書 與秦留仙翰林書

陳維崧與陳際叔書 上芝麓先生書

袁枚答王厚齋書 與蔣苕生書 與延綏將軍書

胡天游貽友人書 報友人書

抗世駿寄所親書

胡浚答制府王公論桑直司士官書

洪亮吉與孫季仇書 與崔禮部書 與錢季木論友書 又與孫季仇書

邵齊巖答王芥子同年書

吳錫麒與黃相圃書 與王惕甫書 答 皇十一子成親王啓 謝繼兩峯惠書鍾進士像啓 謝程也園吏部

惠批把鱈魚啓

劉綱銘山中與鮑若洲書 與王秋隱書 與張吳園書 與蔡院霞書

楊芳燦答趙良甫書

楊夢符與莊葆琛書

彭兆蓀答李洪九進士書 與吳韻泉書

劉開與光栗原書

陳方海答吳子序書

梅曾亮與朱丙齋書 寄湯燮堂書 又一書 寄王思川書 又一書 與王叔原簡

駢文軌四集卷四目今代人文

碑

袁枚卞忠貞公墓紀念碑 重修于忠肅公廟碑 餘杭諸葛武侯廟碑

胡天游玉清宮碑

孫星衍大禹防護昭陵之碑

洪亮吉楚孫叔敖廟碑 重修唐太宗碑

查揆西湖新建白蘇二公祠碑銘

吳錫麒杭州重修郭汾陽王廟碑 新建韓蘄王廟碑 憫忠寺新建謝文節公祠碑

彭兆孫周忠武夫人劉氏廟碑

楊芳燦重修漢平襄侯廟碑

顧敏恒重修昭明太子廟碑

阮元重修鄭公祠碑 重修會稽大禹陵碑

墓誌

毛奇齡烈女雲英墓誌銘

袁枚游擊孫公墓誌銘

邵齊巖滄厓袁公墓誌銘

孫星衍園子監生洪先生妻蔣氏合葬墓誌銘

吳錫麒羅兩峰墓誌銘

梅曾亮冷循齋墓誌銘

駢文軌四集卷五目清代人文

雜記

吳錫麒李石渠隴西官路圖記 新建韓祈王祠記

劉嗣館頤園讀書記

樂鈞白雲寺讀書記

彭兆霖汛頌記

王世孫橫雲秋興圖記

程恩澤祜春浦食荷圖記

陳方海借書軒記

梅曾亮萬松丙舍記

祭文

胡天游鎮海吳將軍祭文

劉嗣綰祭吳季子廟文

哀誄

孔廣森林編修誄 林氏子哀祠

孫星衍趙君妻金氏誄

吳錫麒汪龍莊同年誄

劉嗣綰湯君妻周孀人誄

劉鳳詒宮匪汪靜厓先生誄

雜文

汪中漢上琴瑟之銘 哀國船文

龔鞏祚別辛丈人文 寫碑思銘

梅曾亮弔梁武帝文 黃山銘

